

# 詩紀


梁九十八之百七

十四

庫文閣內	
三函	三
二冊	二
類	號
漢書	

庫文閣內	
三函	三
二冊	二
類	號
漢書	

內閣文庫	
番號	漢 3740
冊數	20 ( 14 )
函號	319 23



梁第三十五

淺草文庫

詩紀九十八

北海馮惟訥彙編

鄣郡謝 陛校訂



劉孝威

字孝威孝勝之弟氣調爽逸初為晉安王法曹太清中遷太子中庶子通事舍人侯景亂孝威於園中得出西上至安陸卒

樂府

釣竿篇 英華樂府並作孝綽。以下五言

釣舟畫彩鷁  
漁子服水紈  
金轄菜萁網  
銀鈎翡翠竿  
歛橈隨水脉  
急漿渡江湍  
湍長自不辭  
前浦



佳期船交橈影合浦深魚出遲荷根時觸餌菱花  
乍胷絲蓮度江南手衣渝京兆眉垂竿自有樂誰  
能爲太師

### 隴頭水

從軍戍隴頭隴水帶沙流時觀胡騎飲常爲漢國  
羞釁妻成兩劍殺子祀雙鈎頓取樓蘭頸就解郅  
支裘勿令如李廣功多遂不酬

一作功遂  
不封侯

### 驄馬驅

十五官

一作官

期門二十屯邊徼犀羈玉鏤鞍寶刀

金錯鞞一隨驄馬驅分受青蠅弔且令都護知願  
被將軍照誓使羶衣鄉掃地無遺噍

### 公無渡河

請公無渡河河廣風威厲檣偃落金烏舟傾沒犀  
柁紺蓋空嚴祠白馬徒生祭銜石傷寡心崩城掩  
孀袂劍飛猶共水魂沈理俱逝君爲川后臣妾作  
江妃娣

### 塘上行苦辛篇

蒲生伊何陳曲中多苦辛黃金坐銷鑠白玉遂縈

言糸  
磷裂衣工毀嫡掩袖切讒新嫌成跡易已愛去理  
難申秦雲猶變色魯日尚迴輪妾歌已腸斷君心  
終未親

東西門行

此似應詔  
餞贈之作

廣津寒欲歇聯檣密纜收天高匝近岫江濶少方  
舟餞淚留神眷離欵切私儔佇變齊兒俗當傳楚  
獻囚徒然頒並命祗恧思如抽

怨詩

退寵辭金屋見譴斥甘泉枕席秋風起房櫳明月

懸燭避窓中影香迴爐上煙丹庭斜草徑素壁點  
苔錢歌起蒲生曲樂奏下山絃新聲昔廣宴餘杯  
今自傳王嬙向絕漠宗女入邗連鴈書猶未返角  
馬無歸年昭臺有媵御曾坂無棄捐後薪隨復積  
前魚誰更憐

採蓮曲

金槳木蘭船戲採江南蓮蓮香隔浦渡荷葉滿江  
鮮房垂易入手柄曲自臨盤露花時濕釧風莖乍  
拂鈿

小臨海

碣石望山海留連降尊極秦帝在鈎陳漢家增禮  
秩石橋終不成桑田竟難測蜃氣遠生樓鮫人近  
潛織空勞帝女填詎動波神色

思歸引

胡地憑良馬懷驕負漢恩甘泉烽火入回中宮室  
燔錦車勞遠駕繡衣疲屢奔貳師已喪律都尉亦  
銷覓龍塔求援急狐塞請先屯櫪下驅雙駿腰邊  
帶兩鞬乘障無期限思歸安可論一作

妾薄命篇

去年從越障今歲沒胡庭嚴霜封碣石驚沙暗井  
涇玉簪久落髮羅衣長挂屏浴蠶思漆水條桑憶  
鄭垞寄書朝鮮吏留釧武安亭勿言戎夏隔但令  
心契冥不見豐城劍千祀復同形

閩鷄篇

丹鷄翠翼張妬敵復專場翅中含芥粉距外耀金  
芒氣踰上黨烈名貴下講良祭橋愁魏后食跡忌  
齊王願賜淮南藥一使雲間翔

結客少年場行

少年本六郡遨遊遍五都插腰銅七首障日錦屠  
蘇鷲羽裝銀鏑犀膠飾象弧近發連雙兔高彎落  
九烏邊城多警急節使滿郊衢居延箭箠盡踈勒  
井泉枯正蒙都護接何由憚險途千金募惡少一  
揮擒骨都勇餘聊蹴踘戰罷暫投壺昔爲北方將  
今爲南面孤邦君行負弩縣令且前驅

行行且遊獵篇

之采講射所上林娛獵場選徒驕楚客召狩誇胡

王罕車已戒道風烏復起行飲飛具贈繳材官命  
蹶張高置掩月兔勁矢射天狼蹠地不遑逸排虛  
豈及翔日暮勾陳轉風清鏡吹颺歸來宴平樂寧  
肯滯禽荒

雀乳空井中

晉傅玄詩曰鵲巢丘  
城側雀乳空井中

遠去條支國心知漢德休

一作優

聊栖丞相府過令

黃霸羞挾子須聞地空井共尋求轆轤絲綆絕枯  
槔冬蘇周將憐羽翼張誰辭各背遊

半渡溪

本厠偏伍伴一戰殄凶渠制賜文犀節驛報紫泥  
書入營陳御蓋還家乘紫車皇恩知己重丹心恨  
不紆渡瀘且不畏凌溪嗟有餘

獨不見

夫婿結纓簪偏蒙漢寵深中人引卧内副車遊上  
林綬淙瑯琊草蟬鑄武威金分家移甲第留妾住  
河陰獨寢鴛鴦被自理鳳凰琴誰憐雙玉筋流面  
復流襟

行幸甘泉宮歌

漢家迎夏畢避暑甘泉宮棧一作機車鳴里鼓駟馬  
駕相風校尉烏桓騎待制樓煩弓後旌猶五柞前  
笳度九嶼才人豹尾内御酒屬車中輦迴百子閣  
扇動七輪風鳴鍾休衛士披圖召後宮材官促校  
獵涼秋一作秋來戲射熊

箜篌謠

樂府失名次  
劉孝威後

結交在相得骨肉何必親甘言無忠實世薄多蘇  
秦從風暫靡草富貴上昇天不見山巔樹摧扞下

為薪豈甘井中泥上出作埃塵

一云時至出作塵

### 驄馬驅

翩翩驄馬驅橫行復斜趨先救遼城危後拂燕山霧風傷易水湄日入隴西樹未得報君恩聯翩終不住

### 和王竟陵愛妾換馬

驄馬出樓蘭一步九盤桓小史贖金絡良工送玉鞍龍驂來甚易烏孫去實難麟膠妾猶有請為急弦彈

### 擬古應教一首

七言。樂府作孝威詩題云東飛伯勞歌英華作簡

文帝非也簡文別有二首

雙棲翡翠兩鴛鴦巫雲洛月乍相望誰家妖冶折花枝蛾眉曼睇使情移青鋪綠璫琉璃扉瓊筵玉笥金縷衣美人年幾可十餘含羞轉笑歛風裾珠丸出彈不可追空留可憐持與誰

### 鷄鳴篇

以下雜言。藝文作簡文帝

峙鷄識將曙長鳴高樹巔啄葉疑彰羽排花彊欲前意氣多驚舉飄揚獨無侶陳思助闢協狸膏



昭妬敵安金距丹山可愛有鳳凰金門飛舞有鴛  
鴦何如五德美豈勝千里翔

烏生八九子

城上烏一年生九雛枝輕巢本狹風多葉早枯毳  
毛不自暖張翼強相呼金柝嚴兮翠樓肅蜃壁光  
兮椒泥馥虞機衡網不得施猜鷹鷲無由逐永  
願共棲曾氏冠同瑞周王屋莫啼城上寒猶賢野  
中宿羽成翮備各西東丁年賦命有窮通不見高  
飛帝輦側遠託日輪中尚逢王吉箭猶嬰后羿弓

豈如變彩救燕質至入夢祚昭一作公流聲表師  
退集幕示營空靈臺已鑄像流蘇時候風

蜀道難

玉壘高無極銅梁不可攀雙流逆巖道九坂蒞陽  
關鄧侯策馬度王生歛轡還歛轡懼身充叱馭奉  
王猷若恡千金重誰爲萬里侯戲馬吞珠界揚舲  
濯錦流沈犀厭恠水握鏡表靈丘禺山金碧有光  
輝遷亭車馬尚輕肥彌想王褒擁節反更憶相如  
乘傳歸君平子雲間不嗣江漢英靈信已衰一作稀

文苑英華辨證曰此篇文苑與類聚同惟郭氏樂府分前五言後七言各爲一首中闕六句今從文苑爲一首

詩

重光詩 并序。以下四言

重光儲后宣制義也

赫赫重光明明二聖帝作儲述禮和樂正中衢置樽高堂懸鏡其酌不窮其明逾盛德音孔昭民胥攸詠明明二聖赫赫重光風神灑落容止汪洋瞻彼談扇載抑載揚何斯天辯如圭如璋顏閔函席

游夏升堂以卿以士惟公惟王思媚儲后顧哉樂康芃芃黍苗陰雨膏之洗洗纓冕儲王導之道之以禮齊之以仁禮則探聖言則窮神訓于四國覃于萬民

侍宴樂遊林光殿曲水

蒸哉軒頊赫矣堯心女媧補石重華絜一作金湯

羅禹扇羲瑟農琴皇乎備矣受命君臨試舟五反和樂九成鈎楯秘戲協律新聲丹杯水激縫彩葩榮天吳還往海若逢迎

奉和簡文帝太子應令

以下五言

太子天下本元良萬國貞周朝推上嗣漢代紀重  
 明前星涵瑞彩洊雷揚遠聲三善傳樂正百行紀  
 司成九流遍已辨七經咸所精博聞強子政高才  
 陵長卿禮尊逾屈已德盛益卑情仙氣貽一作鍾  
 相儒道推相榮延賢博望苑視膳長安城園綺隨  
 金輅浮丘侍玉笙智囊前歛笏端士後垂纓九仙  
 良所重四海更誰傾班輸同策乘甲館齊蓬瀛

三日侍皇太子曲水宴

二龍巡夏代八駿馭周朝豫遊光帝則樂飲盛民  
 謠皇儲遵洛禊濫觴追灞橋掌袂開神籞司馬動  
 鑿鑿周旗交采眊晉鼓雜清簫旌宮臨廣隰藻衛  
 爍巖椒蘭樽沿曲岸靈若泝迴潮

奉和六月壬午應令

玄圃棲金碧靈澗挹琨瑤築山圖碣岫穿池控海  
 潮雷奔石鯨動水濶牽牛遙乘黿猶怯渡鞭石詎  
 成橋岸崩下生窟壁峭上干霄噪蛙常獨沸游魚  
 或自跳荒徑橫臨浦空舟斜插橈愁鴟集古樹白

鷺隱青苗神心重丘壑散步懷漁樵石累元卿徑  
枝挂許由瓢伊臣本寂寞由來畏市朝爲貪止山  
水所競惟逍遙寄言周伯况勞君擅縠綃

登覆舟山望湖北

紫川通太液丹岑連少華堂皇更隱映松灌雜交  
加荇蒲浮新葉漁舟繞落花浴童爭淺岸漂女擇  
平沙極望傷春目迴車歸狹斜

帆渡吉陽洲

孝儀  
同賦

江風一作潮凌曉急鉦鼓候晨催幸息榜人唱聊望

高帆開聯村倏忽盡循汀俄頃回疑是傍洲退似  
覺前山來將與圖南競誰云勞泝洄

出新林

芒山眴洛邑函谷望秦京遙分承露掌遠見長安  
城故鄉已可識遊子必勞情霧罷前林見一作曠風  
息涌川平坐觀暮潮落漸見夕煙生無由一羽化  
徒想御風輕

郟縣遇見人織率爾寄婦

郟一作郟

妖姬含怨情織素起秋聲度梭環玉動踏躡珮珠

鳴經稀疑杼澁緯斷恨絲輕葡萄始欲罷鴛鴦猶  
未成雲棟共徘徊紗窓相向開窓踈眉語度紗輕  
眼笑來籠籠隔淺紗的的見粧華鏤玉同心藕一作  
帶雜寶連枝花紅衫向後結金簪臨髮斜機頂挂  
流蘇機傍垂結珠青絲引伏兔黃金繞轆轤艷彩  
裙邊出芳脂口上渝百城交問遺五馬共踟躕直  
爲閨中人守故不要新夢啼漬花枕覺淚濕羅巾  
獨眠真自難重衾猶覺寒逾憶凝脂緩彌想橫陳  
歡行驅金絡騎歸就城南端城南稍有期想子亦

勞思羅衣久應罷花釵堪更治新粧莫點黛余還  
自畫眉

侍宴賦得龍沙宵明月

鵲飛空繞樹月輪殊未圓嫦娥望不出桂枝稍隱  
殘落照移樓影浮光動塹瀾櫪馬悲笳吹城烏啼  
塞寒傳聞機杼妾愁余衣服單當秋絡已脆銜啼  
織復難斂眉雖不樂舞劍強爲歡請謝函關吏行  
當封一丸

奉和晚日

虬簷挂珠箔虹梁卷霜綃迷迭涵香長芙蓉逐浪  
搖飛輪搏羽扇翻車引落潮甘泉推激水迎風慙  
遠飈寄言王待詔因聲張子僑吾君安已樂無勞  
誦洞簫

和皇太子春林晚雨

雲樹交爲密雨日共成虹雷舒長男氣枝搖少女  
風葉珠隨滴水簷繩下溜空蝶濡飛不颺花沾色  
更紅明離信養德能事畢春宮誰堪偶鳳吹唯有  
浮丘公

行還值雨又爲清道所駐

齊楚磐石貴韓吳異姓王俱乘早朝罷相隨出建  
章喧呼驚里閭叫咷駭康莊阜駟同隼擊青橐以用  
盛似鷹揚掖門南北遠複道東西長旛旗爭絡繹  
官騎鬱相望微風生榮傳輕雨潤帷裳油衣分競  
道小蓋列成行八舍便繁密五營輿服光迴車避  
司隸俄軒揖內郎况余白屋士自依一作早路傍  
日月雖臨照仄陋難明敷早榮羞日及晚知慙豫  
章徒抱凌雲志終愧摩天翔安能久淪辱圖南會

有方

望雨

清陰蕩暄濁飛雨入階廊  
瞻空亂無緒望雷耿成  
行交枝含曉潤雜葉帶新光  
浮芥離還聚沿漚滅  
復張浴禽飄落毳風荇散餘香  
璫綃挂繡幕象簾  
列華牀侍童拂羽扇厨人奉盪漿  
內則有漿有盪注盪涼也寄  
言楚臺客雄風詎獨涼

苦暑

暮日苦炎溽遷坐接階廊  
月麗姮娥影星含織女

光棲禽動夜竹流螢出閭墻  
香盤糝鮮粉雕壺承  
玉漿白羽徒垂握綠水自周堂  
弱紈猶覺重纖絺  
尚少涼弄風思漢朔戲雨憶吳王  
玄水術難驗赤  
道漏猶長誰能更吹律還令黍谷涼

奉和逐涼

鐘鳴夜未央避暑起徬徨  
長河似曳素明星若散  
璫倚巖欣石冷臨池愛水涼  
月纖張敞畫荷妖韓  
壽香對此遊清夜何勞娛洞房

望棲鳥

寺記

卷之二十五

十四

夕鳥一作鳥飛參差單雄雜寡雌聯翩歸葉裡出沒  
噪林垂爭棲時易樹驚飛忽度枝雖無繫書重亦  
有含纓疲以茲憔悴力重逢輕薄兒珠丸蘇合彈  
金繳青絲縻豈意翩翩羽遂免更羸危入懷欣得  
地依林竊願知

和簡文帝卧疾

玉躬耗寒暑群望崇珪璧仁祀盛黃纁禮壇優紺  
席億均楚疾愈俄同宋年益豈勞誦賦臣寧用觀  
濤客

賦得曲澗

澗流急易轉溪竹暗難開近樓俄已失前洲忽復  
迴石岸生寒蘚沈根漬水苔菱舟失道去歸鳥迷  
徑來

奉和湘東王應令二首

春宵

花開人不歸節暖衣須變迴釵挂反環拭淚繩春  
線今夜月輪圓胡兵必應戰

冬曉



妾家邊洛城慣識曉鐘聲鐘聲猶未盡漢使報應  
行天寒硯冰凍心悲書不成

詠織女

玉臺初學  
並作孝儀

金鈿已照耀白日未蹉跎欲待黃昏至含嬌渡淺

河

七夕穿針

和簡  
文

縷亂恐風來衫輕羞指現故穿雙眼針持縫合歡

扇

九日酌菊酒

露花疑始摘羅衣似適薰餘杯度不取欲持嬌使  
君

賦得鳴輶應令

雜扇雖俱斂交行忿自分轉袖時繞腕揚履自開  
裙

和定襄侯初筓

合鬟仍昔髮畧髮即前絲從今一梳罷無復更縈  
時

古體雜意

言系  
卷之二十五  
朝日大風霜寄事足交傷葉落枝柯淨常自起  
張

詠佳麗

可憐將可念可念直千金唯言有一恨恨不遂人  
心

望隔墻花

隔墻花半隱猶見動花枝當由美人摘詎止春風  
吹

枯葉竹

枯楊猶更綠卧柳尚還生勿嫌鳳不至終當待聖  
明

和簾裡燭

開關簾影出參差風焰斜浮光燭綺帶凝滴汗垂  
花

詠剪綵花

葉舒非漸大花發是初開無論人訝似蜂見也爭  
來

禊飲嘉樂殿詠曲水中燭影

七言

言系  
火浣花心猶未長金枝密焰已流芳芙蓉池畔涵  
停影桃花水脉引行光

賦得香出衣

雜言

香出衣步近氣逾飛博山登高用鄴錦含情動靨  
比洛妃香纓麝帶縫金縷瓊花玉勝綴珠徽蘇合  
故年微恨歇都梁路遠恐非新猶賢漢君芳千里  
尚笑荀令止三旬

劉孝先

孝威之弟仕為武陵王紀記室承聖中  
與兄孝勝俱隨紀軍出峽紀敗元帝以

為黃門郎  
遷侍中

和兄孝綽夜不得眠

夜愁眠不安起望臺南端葉慘風聲異樓空月色  
寒笙冷調簧數絃脆上琴難百年行詎幾萬慮坐  
相攢誰家有明鏡暫借照心看

草堂寺尋無名法師

飛鏡點青天橫照滿樓前深林生夜冷複閣上宵  
烟葉動花中露湍鳴閣裏泉竹風聲若兩山蟲聽  
似蟬摘果仍荷藉酌水用花傳一卮聊自飲萬事  
且蕭然

和亡名法師秋夜草堂寺禪房月下

幽人住山北月上照山東洞戶臨松徑虛窓隱竹  
叢出林避炎影步逕逐涼風平雲斷高岫長河隔  
淨空數螢流暗草一鳥宿疎桐興逸煙霄上神閒  
宇宙中還思城闕下何異處樊籠

詠竹

竹生荒野外梢雲聳百尋無人賞高節徒自抱貞  
心耻染湘妃淚羞入上宮琴誰能制長笛當爲吐  
龍吟

春宵

夜樓明月弦露下百花鮮情多意不設啼罷未歸  
眠燉煌定若遠一信動經年

冬曉

晨霞影翠帷思婦織霜絲輕寒牽杼澁釧冷調梭  
遲乍廢倡樓粉貪赴遠人期

劉苞

字孝嘗彭城人好學能屬文起家參軍累遷太子洗馬掌書記自武帝卽位引進文學之士苞及從兄孝綽從弟孺並以文藻見知

九日侍宴樂遊苑正陽堂詩

六郡良家子幽并遊俠兒立乘爭飲羽側騎競紛  
馳鳴珂飾華旄金鞍映玉羈膳羞殫海陸和齊眠  
秋宜雲飛雅琴奏風起洞簫吹曲終高宴罷景落  
樹陰移微薄承嘉惠飲德良不貲取効績無紀感  
恩心自知

望夕雨

崇朝構行雨薄晚屯密雲緣階起素沫竟水散圓  
文河柳低未舉山桃落已芬清罇久不薦淹留途  
待君

劉孺

字孝稚彭城人沈約引爲主簿恒爲遊宴賦詩甚爲梁武所親愛累遷吏部尚書母憂以毀卒謚曰孝

侍宴餞新安太守蕭幾應令

芝殿延藻景畫室寫油雲玄覽多該洽聖思究前  
聞微密探精義優游妙典墳飲餞參多士言贈賦  
新文

相逢狹路間

此亦賦別之詩

送君追遐路路狹暖朝霧三危上蔽日九折杳連  
雲枝交幘不見聽靜吹纔聞豈伊歎道遠亦迺泣

言糸  
塗分况兹別親愛情念切離羣

劉遵

字孝陵孺之弟也清雅有學行工屬文爲  
晉安王宣德雲麾二府記室甚見賓禮王  
入爲皇太子  
除中庶子卒

度關山

隴樹寒色落塞雲朝欲開谷深輦易響路狹懣難  
回當知結綬去非是棄繻來行人思顧返道別且  
徘徊願度關山鶴勞歌立可哀

相逢狹路間

春晚駕香車交輪礙狹斜所恐惟風入疑傷步搖

花含羞隱年少何因問妾家青樓臨上路相期竟  
路賒

蒲坂行

漢使出蒲坂去去往交河間諜敢虧對驂馬脫鳴  
珂乍作渡瀘怨何辭上隴歌

和簡文帝賽漢高帝廟

分蛇淪霸迹提劍滅雄威空餘清祀處無復瑞雲  
飛仙車照丹穴霓裳影翠微投珞要漢女吹管召  
湘妃幸逢懷精日豫奉沐休歸

繁華應令

可憐周小童微笑摘蘭蓑鮮膚勝粉白暎臉若桃  
紅挾彈雕陵下垂鈎蓮葉東腕動飄香麝衣輕任  
好風幸承拂枕選得奉畫堂中金屏障翠帔藍屨  
覆薰籠本知傷輕薄含辭羞自通剪袖恩雖重殘  
桃愛未終蛾眉詎須嫉新粧迎一作入宮

從頓還城應令

漢水深難渡深潭見底清錦笮繫鳧舸珠竿懸翠  
旂鳴笳芳樹曲流唱採蓮聲神遊不停駕日暮返

連營寧顧空房禪階下綠苔生

應令詠舞

倡女多艷色入選盡華年舉腕嫌衫重迴腰覺態  
妍情繞陽春吹影逐相思弦履度開裙禡鬟轉匝  
花鈿所愁餘曲罷為欲在君前

七夕穿針

步月如有意情來不自禁向光抽一縷舉袖弄雙  
針

四時行生回

七言。見歲時雜  
詠題上疑有脫誤

三月三日咄泉水七月七日芍陂塘鳳曆蛾眉粧  
玉面朱簾綉戶映新粧

劉邈

彭城人曾為侯景所得景攻臺城不克邈勸景乞和全師景然之

折楊柳

高樓十載別楊柳擢絲枝摘葉驚開駛攀條恨久  
離年年阻音息一作信月月減容儀春來誰不望相  
思君自知

萬山見採桑人

樂府作採桑

倡妾不勝愁結束下青樓逐伴西城一作郊路相携

南陌頭葉盡時移樹枝高乍易鈎絲繩挂且脫金  
籠寫復收蠶饑日已暮詎為使君留

見人織聊為之詠

織織運玉指脉脉正蛾眉振躡開交縷停梭續斷  
絲簷花照初月洞口垂朱帷弄機行掩淚翻令織  
素遲

秋閨

螢飛綺窗外妾思霍將軍燈前量獸錦簾一作簷  
織花紋墜露如輕雨長河似薄雲秋還百種事衣



成未暇薰

梁第二十五

梁第二十六

詩紀九十九

北海馮惟訥彙編

鄣郡謝 陸校訂

陶弘景

字通明丹陽秣陵人弱冠齊高帝引為諸王侍讀永明十年上表辭祿止於句

告遊篇

性靈昔既肇綠業久相因卽化非冥滅在理澹悲  
欣冠劍空衣影鑣轡乃仙身去此昭軒侶結彼瀛  
臺賓儻能踵留轍為子道玄津

詩紀

梁卷之二十一

胡笳曲

自戾彙作負飛天歷與奪徒紛紜百年三一作四五代  
終是甲辰君

寒夜怨怨一作愁

夜雲生夜鴻驚悽切嘹唳傷夜情空山霜滿高煙  
平鉛華沈照帳孤明寒月微寒風緊愁心絕愁淚  
盡情人不勝怨思來誰能忍

詔問山中何所有賦詩以答答齊高帝詔

山中何所有嶺上多白雲只可自怡悅不堪持寄

君

題所居壁

南史曰弘景妙解術數逆知梁祚覆沒預製詩秘在篋裏化後門人方稍出之大同末士人競談玄理不習武事後侯景篡果居昭陽殿

夷甫任散誕平叔坐談空不言昭陽殿化作單于

宮

和約法師臨友人歷代吟譜云慧約字德素有哭范荀詩云云迺

以此作慧約作或別有考也

我有數行淚不落十餘年今日為君盡併灑秋風

前

華陽頌十五首

樞域

英 河篇徵往冊孔記昭昔名三宿麗天序兩金標地

質象

功 宅無乃生有在則還空靈構不待匠虛影自成

形位

懸 總神列三府分除交五便陰暉迎夜晷晨精望曉

標貫

跡 南峯秀玄鼎北嶺橫秦壁表裏玉沙津周迴隱輪

區別

泉 左帶柳汧水右浚陽谷川土懷北邙色井列鳳門

迹號

郭干時留岸姜巴巨遠蹤鶴廟或聞嚮別宅乃恒  
恭

類附

吳居非知地越家詎隱遷樹蓋徒低蔭石竈未嘗  
煙

物軌

果林鬱餘柰蔬圃蔓遺辛熒芝可燭夜田泉常澣  
塵

遊集

降轡龜山客解駕清華童寢宴含貞館高會蕭閒  
宮

才英

清歌翔羽集長嘯歸雲翻子絃有逸調空談無與  
言

學稟

標舍雷平下立靜連石陰上道已冲念飛華當軫  
心

業運

濟神既有在去留從所宜心迹何用顯冥途自相知

挺契

方隅遊瓊刃華陽棲隱居重離儻或似七元乃扶胥

機萌

號期行當滿亥數未終丁迨及唐承世將賓來聖庭

誠期

刊石玄窓上顯誠曲階門動靜顧矜錄不負保舉恩

曹景宗

字子震新野人也仕齊累官至竟陵太守及武帝起兵景宗率眾來從除郢州刺史天監六年大敗魏於鍾離進爵為公拜侍中領軍將軍卒

光華殿侍宴賦競病韻

南史曰景宗累立軍功天監初徵為右衛將軍後破魏師凱旋帝於華光殿宴飲聯句令左僕射沈約賦韻景宗啓求賦詩帝曰卿伎能甚多人才英拔何必止在一詩景宗已醉求作不已時韻已盡惟餘競病二字景宗便操筆而成帝深歎賞朝賢驚嗟竟日

去時兒女悲歸來笳鼓競借問行人何如霍去

病

宗夫

字明敷南陽涅陽人世居江陵齊竟陵王集學士於西邸並見圖畫夫與焉明帝即位以為鄧州刺史仕梁至五兵尚書

荆州樂三首

迢遞樓雉懸參差臺觀雜城闕自相望雲霞紛颯

杳

章華遊獵去紀郢從禽歸溶溶紫烟合鬱鬱紅塵

飛

朝發江津路暮宿靈溪道平衢廣且直長楊鬱裊

裊

遙夜吟

遙夜復遙夜遙夜憂未歇坐對風動帷卧見雲間月

別蕭諮議

衍

別酒正參差垂情將陸離悵焉臨桂苑憫默瞻華池輕雲流惠采時雨亂清漪眇眇追蘭逕悠悠結芳枝眷言終何託心寄方在斯

傅昭

北地靈州人仕齊官中書通事舍人梁武即位累遷散騎常侍所蒞常以清淨為政

詩已

卷之三十一

六

卒謚  
曰貞

### 恭職北郊

皇猷屬穹昊至德通深淵  
禮望沿禮舉成秩資化  
宣端職恭瘞祀飭躬奉嚴蠲  
淑氣符首節光風臨  
上年

周捨

字昇逸汝南安成人起家齊太學博士累遷至太常丞武帝卽位拜尚書祠部郎遷吏部郎太子詹事卒

### 上雲樂

雜言

隋書樂志曰梁三朝樂第四十四設寺子遵安息孔雀鳳凰文鹿胡舞登連上雲樂歌舞

伎樂府詩集曰上雲樂有老胡文康辭周捨作或云范雲

西方老胡厥名文康遨遊六合傲誕三皇西觀濛  
汜東戲扶桑南汎大蒙之海北至無通之鄉昔與  
若士爲友共弄彭祖扶牀往年暫到崑崙復值瑤  
池舉觴周帝迎以上席王母贈以玉漿故乃壽如  
南山志若金剛青眼賀賀白髮長長蛾眉臨髭高  
鼻垂口非直能俳又善飲酒簫管鳴前門徒從後  
濟濟翼翼各有分部鳳皇是老胡家雞獅子是老  
胡家狗陛下撥亂反正再朗三光澤與雨施化與

言類  
卷之三十六  
風翔規雲候呂志遊大梁重駟脩路始屆帝鄉伏  
拜金闕仰瞻玉堂從者小子羅列成行悉知廉節  
皆識義方歌管悒悒鏗鼓鏘鏘響振鈞天聲若鵷  
皇前却中規矩進退得宮商舉技無不佳胡舞最  
所長老胡寄篋中復有竒樂童齎持數萬里願以  
奉聖皇乃欲次第說老耄多所忘但願明陛下壽  
千萬歲歡樂未渠央

還田舍

薄遊久已倦歸來多暇日未鑿武陵巖先開仲長

室松篁日月長蓬麻歲時密心存野人趣貴使容  
吾膝况茲薄暮情高秋正蕭瑟

徐勉

字修仁東海郟人仕齊累遷領軍長史梁武帝卽位累官吏部尚書加中書今雖居顯職不營產業大通中復授侍中中衛將軍卒謚曰簡肅

採菱曲

相携及嘉月採菱渡北渚微風吹櫂歌日暮相容  
與采采不能歸望望方延佇儻逢遺珮人預以心  
相許

迎客曲



言系  
卷之二十一  
絲管列舞席陳含聲未奏待嘉賓羅絲管舒舞席  
歛袖嘿脣迎上客

送客曲

袖繽紛聲委咽餘曲未終高駕別爵無筭景已流  
空紆長袖客不留

和元帝

去丹陽  
尹荊州

敬愛良是賢謙恭寔所務尊賢遺道德重學嚴師  
傳六藝誠爲敏三雍稱有裕覆被唯仁義吐納必  
珪璋壯思如泉湧逸藻似雲翔夙有匡時調早懷

經世方留心在庶績厲精思治綱

昧旦出新亭渚

驅車凌早術山華映初日攬轡且徘徊復值清江  
謐杳靄楓樹林參差黃鳥匹氣物宛如斯重以心  
期逸春堤一遊衍終朝意殊悉

詠司農府春幡

播穀重前經人天稱往錄青珪禮東甸高旗表治  
粟透遲乘旦風葱翠揚朝旭平秩庭春司和氣承  
玉燭豈伊盈八政兼茲辯榮辱十千旣萬取利民

誰不足

夏詩 英華作徐拙

夏景厭房櫳促席翫花叢荷陰斜合翠蓮影對分紅此時避炎熱清樽獨未空

詠琵琶

雖為遠道怨翻成今日歡含花已灼灼類月復團

團

徐悱 字敬業勉之第二子也聰敏能屬文位太子舍人累遷洗馬出為湘東王友遷晉安

內史先勉卒

白馬篇

妍蹄飾鏤鞍飛鞚度河干少年本上郡遨遊入露寒劍琢荆山玉彈把隨珠丸聞有邊烽急飛候至長安然諾竊自許捐軀諒不難占兵出細柳轉戰向樓蘭雄名盛李霍壯氣勇彭韓能令石飲羽復使髮衝冠要功非汗馬報效乃鋒端日沒塞雲起風悲胡地寒西征馘小月北去腦烏丸歸報明天子燕然石 一作復刊

古意謝到長史漑登琅邪城

寺已

卷之二十六

甘泉警烽候上谷抵一作樓蘭此江稱豁險茲山

復鬱盤表裏窮形勝襟帶盡巖巒脩篁壯下屬危

樓峻上干登陴起遐望回首見長安金溝朝灞漭

甬道入鴛鸞鮮車駑華轂汗馬躍銀鞍少年負壯

氣耿介立衝冠懷紀燕山石思開函谷丸豈如灞

上戲羞取路傍觀寄言封侯者數竒良可歎

對房前桃樹詠佳期贈內

相思上北閣徙倚望東家忽有當窓樹蕪含映日

花方鮮類紅粉比素若鉛華更使增心憶彌令想

狹斜無如一路阻脉脉似雲霞嚴城不可越言折

代踈麻

贈內

日暮想青陽躡履出椒房網蟲生錦薦遊塵掩玉

牀不見可憐影空餘黼帳香彼美情多樂挾瑟坐

高堂豈忘離憂者向隅心獨傷聊因一書札以代

九迴腸

徐曄

勉之從子仕為武陵王紀參軍侯景亂  
曄勸紀入援不從紀稱帝又固諫被殺

夏日

炎光歇中宇清氣入房櫳晚荷猶卷綠踈蓮久落  
紅

徐防

侍晉安王隨府在  
雍州號高齋學士

長安有狹邪行

長安有勾曲勾勾不通驛塗逢二綺衣夾路訪君  
室君室近霸城易識復知名大息登金馬中息謁  
承明小息偏愛幸走馬曳長纓三息俱入門車服  
盡雕輕三息俱上堂嘉賓四座盈三息俱入戶室  
內有光榮大婦纁始呈中婦繡初營小婦多姿媚

紅紗映削成上客且安坐胡牀妾自擎

賦得觀濤

藝文作徐防詩英  
華作任昉非也

雲容雜浪起楚水漫吳流漸看遙樹沒稍見遠天  
浮漁人迷舊浦海鳥失前洲不測滄溟曠輕鱗幸  
自游

賦得蝶依草應令

秋園花落盡芳菊數來歸那知不夢作眠覺也恒  
飛

徐摛

字士績東海郟人初為晉安王侍讀及王  
為皇太子轉家令出為新安太守遷太子

左衛率簡文嗣位進授左衛將軍固辭不拜簡文被閉摛不獲朝謁感氣而卒摛文體既別春宮書學之宮體之號自斯而起

### 胡無人行

列一作刻楹登魯殿擁絮拭胡妝猶將漢閨曲誰忍

奏氈房遙憶甘泉夜闈淚斷人腸

### 詠筆

本自靈山出名因瑞草傳纖端奉積潤弱質散芳

煙直寫飛蓬牒一作引橫承落絮篇一逢提一作掌握

重寧憶仲升捐

### 詠橘

麗樹標江浦結翠似芳蘭焜煌玉衡散照曜金衣

丹愧以無雕飾徒然登玉盤

### 壞橋

匝欄生闌蘚覆板沒魚衣岸曲斜梁阻何時香步

歸

### 賦得簾塵

朝逐珠胎卷夜傍玉鈎垂恒教羅袖拂不分秋風

吹

徐君倩

字懷簡東海郟人孝嗣之子聰朗好學有輕艷之才新聲巧變人多諷習仕梁

為湘東王諮議參軍頗好聲色時載妓肆遊荆楚山川靡不畢踐

初春携内人行戲

梳飾多今世衣著一時新草短猶通屣梅香漸著  
人樹斜牽錦帔風橫入紅綸滿酌蘭英酒對此得  
娛神

其内人夜坐守歲

歡多情未極賞至莫停杯酒中喜桃子粽裏覓楊  
梅簾開風入帳燭盡炭成灰勿疑髮釵重為待曉

光催

別義陽郡二首

翔鳳樓遙望與雲浮歌聲臨樹出舞影入江流葉  
落看村近天高應向秋  
飾面亭粧成更點星頰上紅疑淺眉心黛不青故  
留殘粉絮挂看箔簾釘

鮑至

東海人仕晉安王隨府在雍州號高齋學士

山池應令

望園光景暮林觀歇零埃荷疎不礙檝石淺好縈

苔風光逐榜轉山望向橋開樹交樓影沒岸暗水  
光來

奉和往虎窟山寺

神心睠物序訪道絕塵囂林踈蓋影出風去管聲  
遙息徒依勝境稅駕上山椒年還節已仲野綠氣  
方韶短葉生喬樹踈花發早條遠峯帶雲沒流烟  
雜雨飄復茲承乏者頒名厠末僚願藉連河澗庶  
影慧燈昭一知衣內寶方慙一作悲茲地遼

孔燾

仕梁刑獄參軍簡文帝資遣孔燾二女教  
曰故無錫令孔燾經術弘長志履貞槩游

處積年  
朝長往

往虎窟山寺

聖情想區外脂駕出西南前驅聞鳳管後乘躍龍  
驂爰遊非逸豫幽谷有靈龕兼覲息心者宴坐臨  
清潭禪食寧須稼雲衣不待蚕蘋荇緣澗壑蘿葛  
蔓松楠鶯林響初轉春畦藥欲含惑心隨教遣法  
味與恩覃庶憑八解力永滅六塵貪

梁第二十六

梁第二十七

詩紀一百

北海馮惟訥彙編

鄆郡謝 陸校訂

劉峻

字孝標平原人年八歲與母沒於魏齊永明中奔江南為蕭遙欣刑獄梁天監初召入西省典校秘閣普通三年卒門人謚曰玄靜先生

登郁洲山望海

滄溟聯霄岫層嶺鬱噴峒下盤鹽海底上轉靈鳥  
翼滇淠非可辨鴻溶信難測輕塵久弭飛驚浪終  
不息雲錦曜石嶼羅綾文水色



自江州還入石頭詩

藝文作劉峻英華次元帝後而逸其名或

以為元帝詩非也

鼓柁浮大川延睇洛城觀洛城何鬱鬱杳與雲霄  
半前望蒼龍門斜瞻白鶴館槐垂御溝道柳綴金  
隄岸迅馬晨風趨輕輿流水散高歌一作梁塵下  
絙瑟荆禽亂我思江海遊曾無朝市玩忽寄靈臺  
宿空軫及關歎仲子入南楚伯鸞出東漢何能栖  
樹枝取斃王孫彈

始居山營室

外編作始營山居

自昔厭諠囂執志好栖息嘯歌棄城市歸來事耕  
織鑿戶闕嶢嶢開軒望嶰峒激水簷前溜脩竹堂  
陰植香風鳴紫鸞高梧巢綠翼泉脉洞杳杳流一作  
沉波下不極髣髴玉山隈想像瑤池側夜誦神仙  
記旦吸雲霞色將馭六龍輿行從三鳥食誰與金  
門士撫心論胸臆

出塞

薊門秋氣清飛將出長城絕漠衝風急交河夜月  
明陷敵撻金鼓摧鋒揚旌去去無終極日暮動

邊聲

劉霽

卒

字士湮一云士烜平原人天監中歷仕尚書主客侍郎海鹽令居母憂廬墓側以哀

詠荔枝

叔師貴其珍武仲稱斯美良由自遠致含滋不留

齒

劉緩

府一

按劉緩平原人爲湘東王記室未知是否史云劉緩清虛遠有氣調風流迭宕名高

敬酬劉長史詠名士悅傾城

不信巫山女不信洛川神何關別有物還是傾城  
人經共陳王戲曾與宋家鄰未嫁先名玉來時本  
姓秦粉光猶似面朱色不勝脣遙見疑花發聞香  
知異春釵長逐鬟髮秣小稱腰身夜夜言嬌盡日  
日態還新工傾荀奉倩能迷石季倫上客徒留目  
不見正橫陳

江南可採蓮

古辭曰江南可採蓮因以爲題云

春初北岸涸夏月南湖通卷荷舒欲倚芙蓉生即

詩已

紅檝小宜迴逕船輕好入叢  
欒光逐影亂衣香隨  
逆風江南少許地年年情不窮

看美人摘薔薇

詩彙作劉瑗按劉綬為湘東王記室元帝亦有此詩

當作綬也

新花臨曲池佳麗復相隨  
鮮紅同映水輕香共逐  
吹繞架尋多處窺叢見好枝  
矜新猶恨少將故復  
嫵萎釵邊爛熳插無處不相宜

奉和玄圃納涼

清氣流暄濁非關狹室中  
當由小堂上自有大王

風樵螟動蘭室神飈起  
桂叢披襟深睿賞曲巷何  
由同

和晚日登樓

藝文作劉綬

所以登臺榭正重接烟霞長絲  
虹一作觸欄斷歸鳥  
避窓斜俯巢窺暝宿臨樹摘高花  
百雉時方晚九層光尚賒

雜詠和湘東王三首

秋夜

藝文作秋閨

樓上起秋風絕望秋閨中  
燭溜花行滿香燃奩欲

寺已

梁卷之三十七

四

空徒教兩行淚俱浮粧上紅

冬宵藝文作  
閨怨

別後春池異荷盡欲生冰箱中剪刀冷臺上面脂  
凝纖腰轉無力寒衣恐不勝

寒閨

不堪寒夜久夜夜守空牀衣裾逐座禱釵影近燈  
長無憐四幅錦何須辟惡香

劉瑗

左右新婚詩彙作  
劉媛

小史如初日得婦類行雲琴聲律祖作  
綺琴妾曾聽桃

子律祖作  
細桃壻經分蛾眉參意畫繡被共籠薰偏增

使君妬無趣遣相聞律祖云可憐雙美  
合休持惱使君

在縣中庭看月

移榻坐庭陰初弦時復臨侍兒能勸酒貴客解彈  
琴栢葉生鬟內桃花出髻心月光移數尺方知夜  
已深

新月

仙宮雲箔捲露出玉簾鈎清光無所贈相憶鳳凰

詩紀

梁卷之二十七

五

樓

劉顯

字嗣芳沛國相人幼敏慧嘗為上朝詩沈約見而美之官尚書左丞仕至尋陽太守

發新林浦贈同省

回首望歸途山川邈離異落日懸秋浦歸鳥飛相

次感物傷我情惆悵懷親懿

裴子野

字幾原河東聞喜人梁武帝以為著作郎累遷中書侍郎鴻臚卿領步兵校尉在禁中餘年嘿靜自守卒謚貞子

答張貞成臯詩

匈奴時未滅連年被甲兵明君思將帥方聽鼓鼙

聲吾生恣逸翮撫劍起徂征非徒慕辛季聊欲逞  
良平出車既方軌絕幕且橫行豈伊長纓繫行見  
黃河清雖令懦夫勇念別猶有情感子盈編贈握  
玩以為榮跂子振旅凱含毫備勒銘

詠雪

飄飄千里雪倏忽度龍沙從雲合且散因風卷復  
斜拂草如連蝶落樹似飛花若贈離居者折以代  
瑤華

上朝值雪

詩已

沐雪欵千門櫛風朝萬戶集霰渝丹黻流雲飄繡  
柱滴瀝垂土膏闌干懸石乳

闕

陸倕

字佐公吳郡人慧曉之子十七舉秀才竟陵王開西邸延英俊倕預焉天監初爲安

成王主簿遷臨川王東曹掾武帝雅愛倕才官至揚州大中正遷太常卿卒

和昭明太子鍾山解講

終南鄰漢闕高掌跨周京復此虧山嶺穹窿距帝  
城當衢啓珠館臨下構山楹南望窮淮淑北眺盡  
滄溟步簷時中宿飛階或上征網戶圖雲氣龕室  
畫仙靈副君憐世網廣命萃人英道筵終后說鑿

轡出郊坰雲峯響流吹松野映風旌睿心嘉杜若  
神藻茂琳瓊多謝先成敏空頌後乘榮

以詩代書別後寄贈

藝文作贈京邑僚友

余本水鄉士閉門江海隅時逢世道泰蹇足步高  
衢名成宦雖立效微功日踈入仕乘肥馬出守擁  
高車關門遊昔吏遷亭有故書江派資賢牧宗英  
出建旗不勞王布鼓無賴露田車弼政非責實求  
名已課虛長卿病猶在脩齡疾未祛詎知亭長肉  
寧挂府丞魚不能未能止內訟慙諸已僂俛從王

事纒舟出淮泗朋故遠追尋暝宿清江陰明日一  
分手翻飛各異林歸舟隨岸曲猶聞歌棹音行者  
日超遠誰見別離心夕次洲岸明登慈姥岑水  
流多迴復余歸良未尋江關一作中寒事早夜露傷  
秋草心屬姑蘇臺目送邯鄲道葭葦日蒼蒼親知  
慎早涼劉兄消渴病休攝戒無良殷第癩眩疾行  
止避風霜劉侯有餘冷宜餌陟一作休釐方伏子多  
風咳門冬幸易將率更愛雅體體弱思自強吏曹  
勉玉潤諷議勗金相比部多暇日奚用肆龍章建

德何爲者無墮無人鄉記室朋從暇露蝸附行商  
議曹坐朝罷尺板嗣徽芳雙栖成獨宿俱飛忽異  
翔眷言思親友沉思結中腸追惟疇昔時朝府多  
歡暇薄暮塵埃靜飛蓋遙相迓李郭或同舟潘夏  
時方駕娛談終美景敷文永清夜促膝豈異人戚  
戚皆朋一作姻姬今者一乖離漼然心事差山川望  
猶近便似隔天涯玉躬子加護昭質余未虧八行  
思自勉一札望來儀

贈任昉詩

南史曰昉為御史中丞後進皆宗之時有彭城劉孝綽劉苞劉孺吳郡陸倕張率陳郡殷芸沛國劉顯及到溉到洽車軌日至號曰蘭臺聚

和風雜美氣下有真人遊壯矣荀文若賢哉陳太丘今則蘭臺聚萬古信為儔任君本達識張子復清脩既有絕塵到復見黃中劉

陸罩

字洞元吳郡人仕梁為太子中庶子掌管記大同十年以母老求去母歿後位終光

卿

採菱曲

參差雜荇枝田田競荷密轉葉任香風舒花影流

日戲鳥波中蕩游魚菱下出不與文王嗜羞持比萍實

奉和往虎窟山寺

和簡文

鷄鳴動睟駕柰苑睠晨遊朱鑣陵九達青蓋出層樓歲華滿芳岫虹彩被春洲葆吹臨風遠旌羽映九旂喬枝隱脩逕曲澗聚輕流徘徊花草合瀏亮鳥聲道金盤響清梵涌塔應鳴桴慧雲方靡靡法水正悠悠實歸徒荷教信解愧難酬

閨怨



自憐斷帶日偏恨分釵時留步惜餘影含意結愁  
眉徒知今異昔空使怨成思欲以別離思獨向縻  
蕪悲

詠笙

管清羅袖拂響合絳唇吹含情應節轉逸態逐聲

移所美周王子弄羽一參差

荀濟

字子通潁川人後居江左博涉衆書志調矯俗初與梁武帝布衣相知及帝登位仕不及之濟負氣曰會盾鼻上磨墨作檄耳帝深不平之後又上書極詆佛法帝怒將加顯戮濟密逃於魏欲匡靜帝事露爲齊文襄所執燔殺之。見廣弘明集

贈陰梁州

梁州刺史陰子春左遷濟作大詩贈之文傳時俗或稱于帝者帝曰箇人雖有才亂俗好反不可用濟以不得志常懷悒悒快二十餘載後因論佛法奔魏

副尉西域返伏波南海還坎壈多構難鬱快少騰  
遷孰云功未立寧是契不全直爲逢迎寡良由聽  
受備若人本高絕芬馥邁蘭荃驅車趨折坂匡坐  
酌貪泉洗憤豈虛唱席皮良信然群醉嫉孤醒衆  
媼恐獨妍龍旗翻委鬱鷁軸更迴遄蹕勢終橫海  
鵬力會冲天昔余遇知己一面深千祀紆人重結

襪辱德逾過市詩酒悅風雲琴歌賞桃李淹留漢  
水曲契濶渝川渙結綬惟貢公推名實鮑子徒然  
懷伏劍終無報國士高懷不可忘劍意何能已已  
作金蘭契何言雲雨別咄嗟改容髮俄頃彌年歲  
叶蘇海曲窮地表江源表天際叶于雲泥已殊路  
絕反暄涼詎同節柳絮亟如絲梅花屢成雪月落桂陰  
遠風起萱條結鶴舞想低昂鴟絃夢清切聞君戍  
靈關瓜時猶未還數汎明月沼頻遊向一作日灣  
金碧應髣髴輪鏡幾登攀復承西歸後將兵出湖

口經過道路長往來日月久玉體何容歇金漿故  
應有陽臺可讌私章華堪置酒既彈趙人瑟復擊  
秦人缶缶瑟多竒調秦趙饒姝妙得意在雙眸傾  
城猶一咲伯喈恩一作實早十杜天終少歿  
等盛姬傷存同魏車照君子篤久要宿昔盛實僚  
依依集鱗羽眷眷共枝條一朝限岐路萬里異波  
潮容儀雖眇眇夢想尚昭昭新人不相識故人詎  
相憶杳杳間山川迢迢阻音息各附青雲遠詎假  
排虛力風月接歡宴酒醴承顏色安知慕儔者潺

言系  
滌涕沾軼僕本不平人悲愁眉亦頰年來空自老  
歲去不知春未能全一作會體命於中欲問津五噫  
如適越十上似遊秦肌膚積霜露膂力倦風塵烏  
裘日日故白髮朝朝新人生感意氣相知無富貴  
懷趙實廉頗思燕唯樂毅大選咆咻士廣募嫖姚  
尉映月比刀環瞻星看劍氣郢路一迢遠長楸幾  
歔歔渤澥水尚寬崦嵫日猶未丈夫志四海兒女  
多辭費待余濟濁河從君宿清渭

殷芸

字灌蔬均之宗人昭明太子侍讀累遷散  
騎常侍左長史直東宮學士省大通三年

女

詠舞

斜身含遠意頓足有餘情方知難再得所以遂傾  
城

何敬容

字國禮廬江人尚齊武帝女拜駙馬都  
尉入梁累遷尚書令參選銓敘明審恪

勤庶務太  
清三年卒

詠舞

因風且一顧揚袂隱雙蛾曲終情未已含睇目增  
波

詩已

梁卷之三十七

上二

江從簡

濟陽考城人革之子少有文名位司徒從事中郎侯景亂為任約所害

採蓮諷

一作採荷調

樂府廣題曰梁太尉從事中郎江從簡年十七有才思時何敬容為宰相從簡為採荷調以刺之敬容覽之不覺嗟賞愛其巧麗

欲持荷作柱荷弱不勝梁欲持荷作鏡荷暗本無

光

劉之遴

字思貞南陽涅陽人虬之子八歲能屬文十五舉茂才對策沈約任昉見而異

之初擢太學博士累遷南郡太守湘東王長史歷秘書監侯景之亂避難還鄉湘東王嫉其才送藥殺之

酬江總詩

梁書曰江總持幼便聰慧神采英拔甚為瑯琊王筠范陽張纘南陽劉之遴所重之遴嘗酬總詩曰

上位居崇禮寺署鄰栖息忌聞曉騶唱每畏晨光  
絕高談意未窮晤對賞無極探志共遨遊休沐忘  
退食曷用銷鄙吝在趾覲顏色上下數千載揚摧  
吐胸臆

梁第二十七

梁第二十八

詩紀一百一

北海馮惟訥彙編

鄣郡謝 陞校訂

虞羲

按本集序曰字子陽會稽人七歲能屬文齊始安王引為侍郎尋兼建安征虜府主簿功曹又兼託室參軍事天監中卒南史云羲字士光餘姚人有才藻卒於晉安王侍郎。詩品曰梁常侍虞羲詩梁建陽令江洪詩子陽詩奇句清拔謝朓常嗟誦之洪雖無多亦能自迴出

巫山高

南國多奇山荆巫獨靈異雲雨麗以佳陽臺千里

詩紀

梁卷之二十七

十三

思勿言可再得特美君王意高唐一斷絕光陰不可遲

自君之出矣

自君之出矣楊柳正依依君去無消息唯見黃鶴飛關山多險阻士馬少光輝流年無止極君去何時歸

送友人上湘

濡足送征人褰裳臨水路共盈一樽酒對之愁日暮漢廣雖容舫風悲未可渡佳期難再得但願論

心故沅水日生波芳洲行墜露共知丘壑改同無金石固

詠霍將軍北伐

擁旄爲漢將汗馬出長城長城地勢險萬里與雲平涼秋八九月虜騎入幽并飛狐白日晚瀚海愁雲生羽書時斷絕音彫斗晝夜驚乘墉揮寶劍蔽日引高旂雲屯七萃士魚麗六郡兵胡笳關下思羌笛隴頭鳴骨都先自誓日逐次亡精玉門罷斥埃甲第始脩營位登萬庾積功立百行成天長地

自久人道有虧盈未窮激楚樂已見高臺傾當令  
麟閣上千載有雄名

數名詩

一去濠水陽連翩遠爲客二毛颯已垂家貧無所  
擇三徑日荒踈遙人心不憚四豪不降意何事黃  
金百五日來歸者朱輪竟長陌六郡輕薄兒追隨  
窮日夕七發動音容賓從紛奕奕八表服英嚴光  
光滿墳籍九流意何以守玄遂成白十載職不移  
來歸落松栢

見江邊竹

挺此貞堅性來樹朝夕池秋波漱下趾冬雪封上  
枝歲蕤防曉露葱蒨集羈雌含風自颯颯負雪亦  
猗猗金明無異狀玉洞良在斯但恨非嶰谷伶倫  
未見知

春郊

光風轉蕙晦香霧鬱蘭津暄遲蝶弄蘄景麗鳥和  
春樵歌喧壟暮漁柁亂江晨山中芳杜若依依獨  
思人

詠秋月

影麗高臺端光入長門殿初生似玉鈎裁滿如團扇泛濫浮陰來金波時不見儻遇賞心者照之西園宴

橘詩

衝飈發隴首朔雪度炎洲摧折江南桂離披漠北楸獨有凌霜橘榮麗在中州從來自有節歲暮將何憂

望雪

歲杪雲晝昏玄池冰夜結遠風金河起吹我玉山雪

虞騫

會稽人工爲五言詩官至王國侍郎

登鍾山下峯望

冠者五六人携手巖之際散意百仞端極目千里睇疊岫乍昏明浮雲時卷閉遙看野樹短遠望樵人細

遊潮山悲古塚

長林帶朝夕

一作霧

孤嶺枕江村踈松含白水密篠

寺已

梁卷之三十一

四



滿平原荒墳改凍葉低攏變年根西光長櫛落促  
爾膝前尊

尋沈刻 夕至嵯亭

命楫尋嘉會信次歷山原捫天上雲紮舉一作石  
下雷奔澄潭寫度鳥空嶺應鳴猿榜歌唱將夕商  
子處方昏

視月

玉臺作何子朗詩  
題云和繆郎視月

清夜未云疲珠簾聊可發泠泠玉潭水映見蛾眉  
月靡靡露方垂暉暉光稍沒佳人復千里餘影徒

揮忽

擬雨詩

詩彙作劉  
孝威者非

清風送涼氣薄暮蕩炎氛虹照漣漪水電出差  
雲落暉散長足細雨織斜文

江洪

濟陽人工屬文為建陽令坐事歿  
詩品曰洪詩雖無多亦能自迥出

和巴陵王四詠

採菱曲二首

以下三題藝文並  
作江淹今從樂府

風生綠葉聚波動紫莖開含花復含實正待佳人  
來

言  
卷之二十八  
五  
白日和清風輕雲雜高樹忽然當此時採菱復相遇

淶水曲二首

潺湲復皎潔輕鮮自可悅橫使有情禽照影遂孤絕

塵容不忍飾臨池思客歸誰能別淶水全取浣羅

衣

玉臺云誰能取淶水無趣浣羅衣

秋風曲三首

先拂連雲臺罷入迎風殿已折池中荷復驅簷裏

鶯

此首玉臺不載見藝文

菜  
孀婦悲四時况在秋閨內  
淒葉留晚蟬虛庭吐寒

北牖風摧樹南籬寒蛩吟  
庭中無限月思婦夜鳴砧

胡笳曲二首

將  
藏器欲邀時年來不相讓  
紅顏征戍兒白首邊城

落日慘無光臨河獨飲馬  
颼颼夕風高聯翩飛鴈

詩已

梁卷之二十八

五

下

詠歌姬

寶鑷間珠花分明靚粧點薄髮約微黃輕紅澹鉛  
 臉發言芳已馳復加蘭蕙染浮聲易傷歎沈唱安  
 而險孤轉忽徘徊雙蛾乍舒斂不持全示人半用  
 輕紗掩

詠舞女

腰纖茂楚媛體輕非趙姬映襟闐寶粟綠肘挂珠  
 絲發袖已成態動足復含姿斜睛若不眇嬌轉復

遲疑何慙雲鶴起詎減鳳驚時

和新浦侯齋前竹

本生出高嶺移賞入庭蹊檀欒拂桂棹菰葱傍朱  
 闈夜條風析析曉葉露淒淒籜紫春鷺思筠綠寒  
 蛩啼不惜凌雲茂遂聽群雀棲願抽一莖實試看  
 翔鳳來

和新浦侯詠鶴

閒園有孤鶴摧藏信可憐寧望春臯下刷羽翫花  
 鈿何時秋海上照影弄長川曉鳴動遙怨夕唳感

言系  
嬌眠哀咽芳林右憫默華池邊猶冀凌雲志萬里  
共翩翩

爲傅建康詠紅牋

雜彩何足奇惟紅偏作可灼爍類藻開輕明似霞  
破鏤質卷芳脂裁花承百和且傳別離心復是相  
思裏不值情牽人豈識風流座

江行

日沒風光靜遠山清無雲潮落晚洲出浪罷沙成  
文挾琴上高岸望月彈明君去家未千里斷絕怨

離群

詠荷

澤陂有微草能花復能實碧葉喜翻風紅英宜照  
日移居玉池上託根庶非失如何霜露交應與飛  
蓬匹

詠美人治粧

上車畏不妍顧盼更斜轉大恨畫眉長猶言顏色  
淺

江祿

字彥遐濟陽人爲太子洗馬湘  
東王錄事參軍後爲唐侯相卒

津渚敗船

可愛木蘭資可憐丹桂質逐浪徒言是乘風還自  
失草蔓船長埋沙巨舩難出陸沈成許去無復乘

流日

伏挺

字士操一云士標平昌安丘人博學有才  
思為五言詩善效康樂體天監中除中軍  
參軍事遷侍御史邵陵王為  
江州携挺之鎮侯景亂中卒

行舟值早霧

水霧雜山烟冥冥不見天聽猿方村岫聞瀨始知  
川漁人惑澳一作浦行舟迷泝汭日中氛靄盡空

水共澄鮮

高爽

廣陵人工屬文齊永明時舉孝廉天  
監初歷官臨川王參軍出為晉陽令

寓居公廨懷何秀才

遜

寄止鄰城闕徒然失遊聚卧聞雜沓路坐對空寂  
宇風扉乍開闔粉蝶時翻舞若人不在茲煩憂何  
得愈

詠鏡

初上鳳凰墀此鏡照蛾眉言照長相守不照長相  
思虚心會不採貞明空自欺無言故此物更復對

玉臺  
作照新期

詠酌酒人

長筵廣未同上客嬌難逼還杯了不顧迴身正顏色

謝微

梁書作謝徵字玄度陳郡陽夏人好學善屬文初為安成王法曹累遷中書鴻臚出為豫章王長史蘭陵太守

濟黃河應教

積陰晦平陸淒風結暮序朝辭金谷戍

一作夕逗

黃河渚赤兔徒聯翩青鳧詎容與淚甚聲難發悲

多袖未舉虛薄謬君恩方嗟別宛許

謝舉

字言揚陳郡陽夏人莊之孫幼好學與兄覽齊名仕武帝時累遷尚書令

凌雲臺

綺薨懸桂棟隱曖傍喬柯勢高凌玉井臨迴渡金波易覺涼風至早飛秋鴈過高臺相思曲望遠騷人歌幸屬一作矚此迢遞知承雲霧多

何思澄

字元靜東海郟人少勤學工文辭為安成王記室天監十五年遷治書侍御史遷秣陵令通事舍人出為黟縣令除武陵王參軍

奉和湘東王教班婕妤

詩已

言  
寂寂長信晚雀聲喧洞房蜘蛛網高閣駁蘚被長  
廊虛殿簾幃靜閑堦花藥香悠悠視日暮還復守  
空牀

擬古

故交不可忘猶如蘭桂芳新知雖可悅不異茱萸  
香妾有鳳皇曲無非陌上桑薦君君不御抱瑟自  
悲涼

南苑逢美人

洛浦疑迴雪巫山似旦雲傾城今始見傾國昔曾

聞媚眼隨羞合丹脣逐笑分風捲葡萄帶日照石  
榴裙自有狂夫在空持勞使君

孔翁歸

會稽人工爲詩  
爲南平王記室

奉和湘東王教班婕妤

長門與長信日暮九重空雷聲聽隱隱車響絕瓏  
瓏恩光隨妙舞團扇逐秋風鉛華誰不慕人意自  
難終

何子朗

字世明遜之宗人早  
有才思卒於國山令

學謝體

言  
桂臺清露拂銅陛落花沾美人紅粉罷攀鈎捲細  
簾思君暫促柱玉指何纖纖未應爲此別無故坐  
相嫌

和虞記室騫古意

美人弄白日灼灼當春牖清鏡對蛾眉新花弄玉  
手燕下拾池泥風來吹細柳君子何時歸與我酌  
樽酒

和繆郎視月

藝文作  
虞騫

清夜未云疲珠簾聊可發泠泠玉潭水映見蛾眉

月靡靡露方垂暉暉光稍沒佳人復千里餘影徒  
揮忽

沈旋

字士規約之子累官給事黃門侍  
郎撫軍長史以清治稱謚恭侯

詠螢火

火中變腐草明滅靡恒調雨墜弗虧光陽昇反奪  
照泊樹類奔星集草疑餘燎望之如可灼攬之徒  
有燿

沈趨

字孝鯉約之次  
子位黃門郎

賦得霧



言系  
竊鬱蔽園林  
依霏被軒牖  
睇有始疑空  
瞻空復如  
有遊蛇隱遙  
漢文豹棲南  
阜既殊三五  
輝遠望徒  
延首

詠雀

肌薄少滋  
腴色淺非丹  
翠不懼越王  
羞寧懷秦后  
珥傍簷葺寒  
草循塲啄餘  
穗且欣大厦  
成焉須鴻  
鵠志

梁第二十八

梁第二十九

詩紀一百二

北海馮惟訥彙編

鄣郡謝 陸校訂

費昶

江夏人善爲樂府嘗作鼓吹曲武帝重之勅曰才氣新拔有足嘉異賜絹十疋

巫山高

巫山光欲晚

一作曉

陽臺色依依  
彼美巖之曲  
寧知心是非  
朝雲觸石起  
暮雨潤羅衣  
願解千金珮  
請逐大王歸

逐大王歸

芳樹

詩已

梁卷之二十九

言系  
幸被夕風吹屢得朝光照枝低疑欲舞花開似含笑  
長夜路悠悠所思不可召行人早旋返賤妾猶  
年少

有所思

上林鳥欲栖長門日行暮所思鬱不見空想丹墀  
步簾動意君來雷聲似車度北方佳麗子窈窕能  
迴顧夫君自迷惑非爲妾心妬

長門怨

向夕千愁起自悔何嗟及愁思且歸牀羅襦方掩

泣絳樹搖風軟黃鳥弄聲急金屋貯嬌時不言君  
不入

採菱曲

妾家五湖口采菱五湖側玉面不關妝雙眉本翠  
色日斜天欲暮風生浪未息宛在水中央空作兩  
相憶

思公子

公子才氣饒凌雲自飄飄東出闔雞道西登飲馬  
橋夕宴銀爲燭朝燔桂作焦虞卿亦何命窮極苦

無聊

發白馬 白馬 津名

家本樓煩俗召募羽林兒怖羗角觝戲習戰昆明  
池弓弋不復挽劍永恒露鉞一辭豹尾內長別屬  
車垂白馬今雖發黃河未結澌寄言閨中婦逢春  
心勿移

行路難二首 前一首藝文作吳均

君不見長安客舍門倡家少女名桃根貧窮夜紡  
無燈燭何言一朝奉至尊至尊離宮百餘處千門

萬戶不知曙唯聞啞啞城上烏玉欄金井牽轆轤  
丹梁翠柱飛流蘇香薪桂火炊雕胡 一作當年翻  
覆無常定薄命為女何必麤

君不見人生百年如流電心中埒堦君不見我昔  
初入椒房時詎減班姬與飛燕朝踰金梯上鳳樓  
暮下瓊鉤息鸞殿柏梁晝夜香錦帳自飄颺笙歌  
棗下曲琵琶陌上桑過蒙恩所賜餘光曲沾被既  
逢陰后不自專復值程姬有所避黃河千年始一  
清微軀再逢永無議蛾眉掩月徒自妍傅粉施朱

詩記

梁卷之二十九

三

欲誰爲不如天淵水中鳥雙去雙飛長比翅

華觀省中夜聞城外擣衣

閭闔下重關丹墀吐明月秋氣城中冷秋砧城外  
發浮聲繞雀臺飄響度龍闕宛轉何藏摧當從上  
路來藏摧意未已定自乘軒裏乘軒盡世家佳麗  
似朝霞圓瑤耳上照方繡領間斜衣薰百和屑髮  
插九枝花昨暮庭槐落今朝羅綺薄拂席捲鴛鴦  
開縵舒龜鶴金波正容與玉步依砧杵紅袖往還  
縈素腕參差舉徒聞不得見獨夜空愁佇獨夜何

窮極懷之在心惻階垂玉衡露庭舞相風翼瀝滴  
流星輝燦爛長河色三冬誠足用五日無糧食楊  
雲已寂寥今君復弦直

和蕭記室春日有所思

芳樹發春輝蔡子望青衣水逐桃花去春隨楊柳  
歸楊柳何時歸裊裊復依依已蔭章臺陌復掃長  
門扉獨知離心者坐惜春光違洛陽遠如日何由  
見宓妃

春郊見美人

一本見作望

芳郊拾翠人迴袖捲芳春金輝起步搖紅綵發吹  
綸陽陽蓋項日飄飄馬足塵薄暮高樓下當知妾  
姓秦

詠照鏡

晨暉照杏梁飛燕起朝粧留心散廣黛輕手約花  
黃正釵時念影拂絮且憐香方嫌翠色故乍道玉  
無光城中皆半額非妾畫眉長

和蕭洗馬畫屏風二首

蕭子範爲  
太子洗馬

陽春發和氣

日靜班姬門風輕董賢館卷耳緣階出反舌登墻  
喚蠶女桂枝鈎遊童蘇合彈拂袖當留客相逢莫  
相難

秋夜涼風起

佳人在河內征夫鎮馬邑零露一朝溥中夜兩垂  
泣氣爽牀帳冷天寒針縷澁紅顏本暫時君還詎  
相及

詠入幌風

經堂

一作房

汎寶瑟乘隙動浮埃鏘金驅響至舉袂

詩已

卷之三十九

五

送芳來能使蘭膏滅乍見珠簾開輕裾試一舉令  
子暫遲迴

到漑

字茂灌彭城武原人少與兄沼弟洽共知名起家王國左常侍除尚書殿中郎建安太守累官吏部尚書所歷以清白自修武帝恩禮甚篤

餉任新安班竹杖因贈

邛竹藉舊聞靈壽資前職復有冒霜筠寄生桂潭  
側文彩既斑爛質性甚綢直所以天天真為有乘  
危力未嘗以過投屢經芸苗植

答任昉

予衣本百結閩中徒八蠶假令金如粟詎使庶夫  
貪

南史曰漑為建安太守任昉寄詩求二衣段漑答云

秋夜詠琴

寄語調弦者客子心易驚離泣已將墜無勞別鶴  
聲

劉漑

字茂灌彭城人官散騎常侍御史中丞○見廣弘明集

儀賢堂監策秀才聯句

初學作

雄州試異等揚庭乃專對顧學類括羽竒文若錦

詩已

卷之三十九

言系  
績漑滋蘭成秀晚照車光赤珮攝官惡簪帶疲疴

謝名輩盧薜乙奏飲餘列甲科光往載深奇無絕

蹤孫董有遺槩伏挺春風涵宛轉遲光乍明昧列

秀總中筵群才盛皇代王瑩如綸疾影響裁蒲啓

蒙昧雕龍既已彰青紫行當佩王顯哀然既玉響

高粲亦蘭綵廣川良易追溜水非難配 貢士光

相門搜賢盡幽塞善說理無窮借書心靡誨 來

彥各東西翼亮更出內康哉信在今伊余事耕耒

後二首  
闕名

庾仲容

字仲容潁川鄆陵人歷尚書左丞諮議參軍出為黔縣令太清亂客遊會稽卒

詠柿

發葉臨層檻翻英揉花藥風生樹影移露重新枝

弱苑朱正葱翠梁烏未銷鑠闕

庾丹

少有雋才為桂州刺史蕭朗記室朗倨虐丹以直諫被害

秋閨有望

律祖作庾肩吾者非○下同

耿耿橫天漢飄飄出岫雲月斜樹倒影風至水迴  
文已泣機中婦復悲堂上君羅襦曉長襜翠被夜  
徒薰空汲銀牀井誰縫金縷裙所思竟不至持酒

詩已

四卷之三十一

七

清夜分

夜夢還家

歸飛夢所憶共子汲寒漿銅瓶素絲綆綺井白銀  
牀雀出丰茸樹蟲飛玳瑁梁離人不相見爭忍對  
春光

鮑泉

字潤岳東海人事元帝為通直侍郎元帝  
承制累遷信州刺史以世子方諸刺郢州  
使泉為長史侯景遣  
兵襲之城陷被害

奉和湘東王春日

新鶯始新歸新蝶復新飛新花滿新樹新月麗新

輝新光新氣早新望新盈抱新水新綠浮新禽新  
聽好新景自新還新葉復新攀新枝雖可結新愁  
詎解顏新思獨氛氲新知不可聞新扇如新月新  
蓋學新雲新落連珠淚新點石榴裙

落日看還

妖姬競早春上苑逐名辰苔輕變水色霞濃掩日  
輪雕甍斜落景畫扇拂遊塵衣香遙已度衫紅遠  
更新誰家蕩舟妾何處織縑人

南苑看遊者

詩已

梁卷之二十九



洛陽小苑地車馬盛經過綠溝駐行幘傍柳轉一作  
度鳴珂履高含響佩襪輕半隱羅浮雲無處所何  
用轉橫波

江上望月

客行鈎始懸此夜月將弦川澄光自動流駛影難  
圓蒼蒼隨遠色漾漾逐漪漣無因轉還汎迴首眷  
前賢

秋日

露色已成霜梧楸欲半黃燕去欄恒靜蓮寒池不

香夕鳥飛向月一作餘蚊聚逐光旅情恒自苦秋  
夜漸應長

詠梅花

可憐堦下梅飄蕩逐風迴度簾拂羅幌縈窓落梳  
臺乍隨纖手去還因插髮來客心屢看此愁眉歛  
詎開

詠薔薇

經植宜春館霍靡上蘭宮片舒猶帶紫半卷未全  
紅葉踈難蔽日花容易傷風佳麗新粧罷含笑折

芳叢

寒閨

行人消息斷空閨靜復寒風急朝機燥鏡暗晚粧  
難從來腰自小衣帶就中寬

詠剪綵花

花生剪刀裏從來訝逼真風動雖難落蜂飛欲向  
人不知今日後誰能逆作春

鮑機

北史鮑宏傳父機以才學  
知名仕梁位侍書御史

伍子胥

忠孝誠無報感義本投身日暮江波急誰憐漁丈  
人楚墓悲猶在吳門恨未申

紀少瑜

字幼瑒秣陵人爲晉安國中尉大同七  
年引爲東宮學士復除武陵王記室參

軍

遊建興苑

樂府作  
建興苑

丹陵抱天邑紫淵更上林銀臺懸百仞玉樹起千  
尋水流冠蓋影風揚歌吹音踟躕憐拾翠顧步惜  
遺簪日落庭光轉方幘屢移陰終言樂未極不道  
愛黃金

寺已

梁卷之三十九

十

擬吳均體應教

庭樹發春輝遊人競下機却匣擎歌扇開箱擇舞  
衣桑萎不復惜看花遽將夕自有專城居空持迷  
上客

月中飛螢

遠度時依幕斜來如畏隳向月光還盡臨池影更  
雙

詠殘燈

殘燈猶未滅將盡更揚輝唯餘一兩焰纔得解羅

衣

褚翔

字世舉河南陽翟人終武帝世累遷吏部尚書母喪以毀卒

鴈門太守行

三月楊花合四月麥秋初幽州寒食罷鄭國采桑  
踈便聞鴈門戍結束事戎車去歲無霜雪今年有  
閨餘月如弦上弩星類水中魚戎車攻日逐燕騎  
蕩康居大宛歸善馬小月送降書寄語閨中妾勿  
怨寒牀虛

褚灃

字士洋河南陽澤人初為縣令清慎可紀仕至相東王府參軍

詩已

梁卷之三十九

十一

詠柰藝文作  
褚湮

成都貴素質酒泉稱白麗紅紫奪夏藻芬芳掩春  
蕙映日照新芳叢林抽晚蒂誰謂重三珠終焉競  
八桂不讓園丘中粲潔華庭際

賦得蟬

避雀芳一作  
喬枝裏飛空華殿曲天寒響屢嘶日暮

聲愈促繁吟如欲盡長韻還相續飲露非表清輕  
身易知足

張嶠字四山吳郡人起家秘書郎累  
遷為吳興太守歿於侯景之難

短簫

促柱弦始繁短簫吹初亮舞袖拂長席鐘音由簾  
颺已落簷瓦間復繞梁塵上時屬清夏陰恩暉亦  
非望

陸山才字孔章吳郡人歷散騎常  
侍遷西陽武昌二郡太守

刻吳閶門詩

南史曰張彪為東陽州刺史征剡令王懷之  
遣沈泰等助謝岐居守泰反與岐迎陳文帝  
入城彪因其未定踰城而入陳文帝遂走彪  
復城守沈泰復說陳文帝遣張昭達領兵購  
之彪被劫殺彪友吳中陸山才嗟  
泰等翻背刻吳閶門為詩一絕云

田橫感義士韓王報主臣若為留意氣持寄禹川人

朱异

字彦和吳郡錢塘人始為揚州議曹從事召直西省累遷中領軍勸納侯景降及侯景反城內文武咸尤之因慙憤發病卒

還東田宅贈朋離

應生背芒說石子河陽文雖有遨遊美終非沮溺  
群曰余今卜築蕪以隔囂紛池入東陂水窓引北  
巖雲槿籬集田鷺茅簷帶野芬一作原隰何邈迤  
山澤共氛氲蒼蒼松樹合耿耿樵路分朝興候崖

晚暮坐極林曛憑高眺虹蜺臨下瞰一作矚耕耘豈

直娛衰暮兼得慰殷勤懷勞猶未弭獨有望夫君

詠貧

藝文作朱超

觸途皆可試惟貧獨未安窓開兩片月霜足一重  
寒藁濕鋪牀冷荷脆補衣難若言為容易推劍與  
君彈

田飲引

卜田宇兮京之陽面清洛兮背脩邛屬風林之蕭  
瑟值寒野之蒼茫鵬紛紛而聚散鴻冥冥而遠翔

言系  
酒沈兮俱發雲沸兮波揚豈味薄於東魯鄙蜜甜  
于南湘於是客有不速朋自遠方臨清池而滌器  
闢山牖而飛觴促膝兮道故久要兮不忘間談希  
夷之理或賦連翩之章

王偉

洛陽人居潁川仕魏為行臺郎後同侯景  
叛景文檄並偉所製景敗偉走匿草中直  
瀆戍主黃公喜  
禽送江陵誅之

獄中贈人詩

南史曰偉被執送江陵於獄  
中為詩贈元帝下要人曰

趙壹能為賦鄒陽解獻書何惜西江水不救轍中

魚

在渭陽賦詩

平明聽戰鼓薄暮敘存亡楚漢方龍鬪秦關陣未  
央

梁第二十九

梁第三十

詩紀一百三

北海馮惟訥彙編

鄣郡謝 陸校訂

王臺卿

梁南平王世子恪除雍州刺史賓客有江仲舉蔡遠王臺卿庾仲容四人俱被接遇按臺卿詩多與簡文倡和廣弘明集曰州民前臣刑獄參軍王臺卿○以下爵里無考

陌上桑四首

鬱鬱陌上桑盈盈道傍女送君上河梁拭淚不能

語

詩紀

梁卷之二十九

詩紀

梁卷之二十九

十四

言系  
卷之三十一  
鬱鬱陌上桑遙遙山下蹊君去成萬里妾來守空  
閨

鬱鬱陌上桑皎皎雲間月非無巧笑姿皓齒爲誰  
發

鬱鬱陌上桑裊裊機頭絲君行亦宜返今夕是何  
時

陌上桑

一云採桑玉  
臺作蕭子顯

令月開和景處處動春心挂筐須葉滿息倦重枝  
陰

雲歌

玉雲初度色金風送影來全生疑魄暗半去月時  
開欲知無去所一爲上陽臺

一旦歌

樂府無名次  
王臺卿詩後

一旦被頭痛避頭還着牀自無親伴侶誰當給水  
漿匍匐入山院正逢虎與狼對虎低頭啼垂淚淚  
千行

和簡文帝賽漢高祖廟

沐芳事椒醕駕言遵壽宮瑤臺斜接岫玉殿上凌



空樹出垂巖影竹引帶山風階長霧難歇窓高雲  
易通所悲樽俎撤按歌曲未終

奉和望同泰寺浮圖

和簡文  
下同

朝光正晃朗涌塔標千丈儀鳳異靈烏金盤代仙  
掌積拱成雕桷高簷挂珠網寶地若池沙風鈴如  
樹響刻削生千變丹青圖萬象烟霞時出沒神仙  
乍來往晨霧半層生飛幡接雲上游蜺不敢息翔  
鷗詎能仰讚善資哲人流詠歸明兩願假舟航末  
彼岸誰云廣

奉和徃虎窟山寺

我王宗勝道駕言從所之輜軒轉朱轂驪馬躍青  
絲清渠影高蓋遊樹拂行旗賓徒紛雜沓景物其  
依遲飛梁通澗道架宇接山基叢花臨迴砌分流  
繞曲墀誰言非勝境雲山獨在茲塵情良易著道  
性故難緇承恩奉教義方當弘受持

奉和泛江

初學英華  
並作庾信

春江下白帝畫軻向黃牛錦纜迴沙磧蘭橈避荻  
洲濕花隨水泛空巢逐樹流建平船柁下荆門戰

言示  
言示  
艦浮岸社多喬木山城足迴樓日落江風靜龍吟  
迴上游

山池應令

和簡文

歷覽周仁智登臨歡豫多穿渠引金谷關道出銅  
駝長橋時跨水曲閣乍臨波巖風生竹樹池香出  
芰荷石幽銜細草林末度橫柯

詠風

浸淫不可識去來非有情乍見珠簾捲時覺洞房  
清暫拂蘭池上瀲灩玉波生一辯雄雌異還惡庶

人輕

詠箏

依歌時轉韻按曲動花鈿促調移輕柱亂手度繁  
絃惟有高秋月秦聲未可憐

同蕭洽中十詠二首

蕩婦高樓月

空庭高樓月非復三五圓何須照牀裡終是一人  
眠

南浦別佳人

詩已

梁卷之三十一

四

言糸  
歛容送君別一歛無開時只應待相見還將笑解  
眉

詠水中樓影 和簡文

樓  
飄飄似雲度亭亭如蓋浮熟看波不動還是映高

臨滄波

高軒臨不測清江窮廣深天邊生岸影水上結雲  
陰風來白華起潮滿黃沙沈 闕

王回

長安有狹邪行

名都馳道傍華轂亂鏘鏘道逢佳麗子問我居何  
鄉我家洛川上甲第遙相望珠扉玳瑁牀綺席流  
蘇帳大子執金吾次子中郎將小子陪金馬遨遊  
茂卿相三子俱休沐風流鬱何壯三子俱會同肅  
雍多禮讓三子俱還室絲管紛嘹亮大婦裁舞衣  
中婦學清唱小婦窺鏡影弄此朝霞狀佳人且少  
留為君繞梁唱

奉和往虎窟山寺 和簡文

詩已

梁卷之三十一

五

美境多勝迹道場實茲地造化本靈竒人功兼製  
置房廊相映屬塔閣並殊異高明留睿賞清淨穆  
神思豫遊窮嶺歷藉此方春至野花奪人眼山鶯  
紛可喜風景共鮮華水石相輝媚法像無塵染真  
僧絕名利陪遊既伏心聞道方刻意

朱記室

送別不及贈何殷二記室

憑軾徒下泪裁書路已賒遠鼓依林響連檣倚岸  
斜山開雲吐氣風憤浪生花即此余傷別何論爾

望家二君勛琬琰無使沒泥沙

何寘南

答何秀才

自憐耿不寐擁褐至宵闌蒼茫曙月落切戾曉風  
酸終朝長守饑疊夜抱餘寒周道坦且直弱命溢  
將殫靈臺聊寄止戚里豈餘歡思家無積歛何以  
拯急難

沈繇

答何郎

言終  
卷之三十一  
歡戚遞來事聚散居常理但傷膠投漆忽作弦離  
矢形影一東西山川俄表裏執手涉梁上悲心萬  
端起方同兒女泣况此流潮水

孫擢

答何郎

幽居少怡樂坐靜對嘉林晚花猶結子新竹未成  
陰夫君阻清切可望不可尋處處多護草賴此慰  
人心

江革

贈何記室聯句不成

龍鱗無復彩鳳翅於茲鍛疇昔似翩翩今辰何乙

乙

又贈何記室

刻猴雖言巧辯對今知章且欣共卮酒勿道濫衣  
裳

李鏡遠

詠日

始臨東嶽觀俄升若木枝萍實詎儔彩合扇且慙

言  
規北林耿初曜圓窓鑒早曦照庭餘雪盡映簷溜  
滴垂徘徊匝花樹煜燐滿春池柳陰栽靡靡簾影  
復離離曾泉豈亭舍淮南子曰日至曾泉是為早食桑榆忽在斯  
迴戈安得中長繩不可羈冲情愛景落清宴惜光  
馳温暉徒已荷深心竊自知

蝶蝶行

青年已布澤微蟲應節歡朝出南園裏暮依華葉  
端菱舟追或易風池度更難群飛終不遠還向玉  
階蘭

朱超道

朱超朱超道朱越各詩集所載名多互見疑是一人之作今從詩彙併載而於各題下仍分註本名以俟考訂

採蓮曲

朱超

豔色前後發緩櫂去來遲看妝礙荷影洗手畏菱  
滋摘除蓮上葉挖出藕中絲湖裏人無限何日滿  
船時

贈王僧辨

朱超

故人總連率方舟下漢池玉節交橫映金繞前後  
吹聚圖匡漢業傾產救韓危昔時明月夜蔭羽切

詩已

梁卷之三十一

高枝冲天勢已遠控地力先疲各言獻捷後幾處  
泣生離

別劉孝先

朱超道。詩彙作何遜者非。

疲痾積未廖伏枕倦長愁復念夜分首江上值徂  
秋陰凝變遠色落葉泛寒流繁霜積曉纜輕冰繞  
夜舟曳裾出兔苑引領望龍樓勿念經臺側無爲  
戚情遊

別席中兵

朱超道

數年其棲息一旦各聯翩莫論行近遠終是隔山

川長波漫不極高岫鬱相連急風亂還鳥輕寒靜  
暮蟬扁舟已入浪孤帆漸逼天停車對空渚悵集  
長望轉依然

夜泊巴陵

朱超

月夜三江靜雲霧四邊收淤泥不通挽寒浦劣容  
舟迴風折長草輕冰斷細流古村空列樹荒戍久  
無樓

歲晚沉痾

朱超道

風將夜共靜空與月俱明燭滴龍猶伏鑪開鳳欲

驚葉飛林失影水合澗無聲太息興林念寧敢離  
衣行唯畏殘藤盡不聞桴鼓鳴

對雨 朱超

當夏苦炎埃習靜對花臺落照依山盡浮涼帶雨  
來重雲吐飛電高棟響行雷灑樹輕花發滴沼細  
萍開汎沫縈堦草奔流起砌苔無因假輕葢徒然  
想上才

詠同心芙蓉 朱超

青山麗朝景玄峯朗夜光未及清池上紅蕖並出

房日分雙蒂影風合兩花香魚驚畏蓮折龜上礙  
荷長雲雨留輕潤草木隱嘉祥徒歌涉江曲誰見  
緝爲裳

奉和登百花亭懷荆楚 和元帝 朱超道

亭高登望極春心遠近同莫恨荆臺隱雲行不礙  
空柳色浮新翠蘭心帶淺紅若因鵬舉便重上龍  
門中

賦得蕩子行未歸 藝文作朱越玉 臺作朱超道

坐樓愁出望息意不思春無柰園中柳寒時已報



言系  
人捉梳羞理髮挑朱懶向脣何當上路晚風吹還  
騎塵

舟中望月 朱超

大江濶千里孤舟無四隣唯餘故樓月遠近必隨  
人入風先透暈排霧急移輪若教長似扇堪拂艷  
歌塵

詠孤石 朱超

侵霞去日近鎮水激流分對影疑雙闕孤生若斷  
雲遏風靜華浪騰烟起薄曛雖言近七嶺獨立不

成群

詠鏡 朱超道

折花湏自插不用暫臨池當由可憐面偏與鏡相  
宜安釵釧獨響刷髮袖俱移唯餘心裏恨影中恒  
不知

詠貧 初學作朱昇  
藝文作朱超

觸途皆可試惟貧獨未安窓開兩片月霜足一重  
寒藁濕鋪牀冷荷脆補衣難若言爲客易推劍與  
君彈

詠剪綵花 朱超

淺深依樹色舒卷聽人裁假令春已度終任手中開

城上鳥 朱超

朝飛集帝城猶帶一作夜啼聲近日毛雖煖聞弦心尚驚

詠獨栖鳥 朱超

河水聞寒已成凍塞草愁霜懸自衰可念無端失林鳥此夜逆風何處歸列網遮山不聽度懸冰繞

樹滑難依細石似鷺能隨兩片木作鳶猶解機但令積風多少便何患有翼不能飛寄語故林無數鳥會入群裏比毛衣

戴嵩

釣竿 英華作劉孝威今從樂府

試持玄渚釣暫罷池陽獵翠羽飾長綸藻花裝小牒鈎利斷蓴絲帆舉牽菱葉聊載前魚童還看後舟妾

君子行

言系  
卷之三十一  
十一  
畫野依德星開鄜對廉水接越稱交讓連樹名君  
子數非唯二失升階無三止探甌不疑塵正冠還  
避李寄言蘧伯玉無為嗟獨耻

從軍行

長安夜刺閨

夜警按刺於門也

胡騎白銅鞮詔書發隴右

召募取關西劍懸三尺鞘鎧累七重犀督軍鳴戰  
鼓巡夜數更鞞侵星出柳塞際晚入榆溪秦涇含  
藥鳩晉火逐飛鷄通泉開地道望敵豎雲梯陰山  
日不暮長城風自淒弓寒折錦鞬

鞬字林云雜錦以被弓也馬

凍滑斜蹄燕旗竿上脆羗笛管中嘶登山試下趙  
憑軾且平齊當今函谷上唯用一九泥

煌煌京洛行

欲知佳麗地為君陳帝京由來稱俠窟爭利復爭  
名鑄銅門外馬刻石水中鯨黑龍過飲渭丹鳳俯  
臨城群公邀郭解天子問黃瓊詔幸平陽第騎指  
伏波營五侯同拜爵七貴各垂纓衣風飄飄起車  
塵暗浪生舞見淮南法歌聞齊后聲揮金留客坐  
饌玉待鐘鳴獨有文園客偏嗟武騎輕

月重輪行

初學作戴嵩  
或字誤也

皇基屬明兩副德表重輪重輪非是暈桂滿自恒  
春海珠含更滅階莫翳且新婕妤比團扇曹王譬  
洛神浮川疑讓一作壁入戶類燒銀從來看顧兔  
不曾聞鬪麟北堂豈盈手西園偏照人

神仙篇

徒聞石爲火未見坂停丸暫數盈虛月長隨晝夜  
瀾辭家試學道逢師得姓韓閬山金靜室蓬丘銀  
露壇安平醞仙酒渤海轉神丹初飛喜退鳳新學

法乘鸞十芒生月腦六燄起星肝流

一作瓊播疑

俗信玉類陽官玄都宴晚集紫府事朝看謝手今  
爲別進憐此俗難

車馬行

鞏洛風塵處冠蓋相填咽多稱魏其冷競隨田蚡  
熱輪趣白虎第珂聚黃金穴獻酒悉葡萄訓言盡  
飛鐵東都虵已鑄西山綬應結期集類蒸煙晚至  
如吹雪子雲爾何事門巷無車轍

度關山

寺已

梁卷之三十一

廿四

昔聽隴頭吟平居已流涕今上關山望長安樹如  
齊千里非鄉邑四海皆兄弟軍中大體自相褒其  
間得意各分曹博陵輕俠皆無位幽州重氣本多  
豪馬銜苜蓿葉劍瑩鸛鵝膏初征心未習復值鴈  
飛入山頭看月近草上知風急笛喝曲難成笳繁  
響還澁武帝初承平東伐復西征薊門海作塹榆  
塞冰爲城催令四校出倚望三邊平箭服朝來動  
刀環臨陣鳴將軍一百戰都護五千兵且決雄雌  
眼前利誰道功名身後事丈夫意氣本自然來時

辭第已聞天但令此身與命在不持烽火照甘泉  
詠歌眠

拂枕薰紅帕迴燈復解衣傍邊知夜永不喚定應  
歸

沈君攸

後梁人

採桑

南陌落花移蠶妾畏桑萎逐便牽低葉爭多避小  
枝摘駛籠行滿攀高腕欲疲看金怯舉意求心自  
可知

詩已

四六卷之三十一

七

採蓮曲

平川映晚霞蓮舟泛浪華衣香隨岸遠荷影向流  
斜度手牽長柄轉檝避疎花還船不畏滿歸路詎  
嫌賒

薄暮動弦歌

柳谷向夕沈餘日蕙樓臨砌徙斜光金戶半入藂  
林影蘭徑時移落葉香絲繩玉壺傳綺席秦箏趙  
瑟響高堂舞裙拂履喧珠珮歌響出扇繞塵梁雲  
邊雪飛弦柱促留賓但須羅袖長日暮歌鍾恒不

倦處處行樂為時康

羽觴飛上苑

上路薄晚風塵合禁苑初春氣色華石徑斷絲闌  
蔓草山流細沫擁浮花外編作槎魚文熠燿含餘日鶴  
蓋低昂照落霞隔樹銀鞍喧寶馬分衢玉軸動香  
車車馬處處盡成陰班荆促席對芳林藤杯屢動  
情仍暢翠樽引滿趣彌深山陽倒載非難得宜城  
醇醞促湏斟半醉驪歌應可奏上客莫慮擲黃金

桂檝泛河中

言系  
卷之三十一  
十六  
黃河曲注通千里濁水分流引八川仙查逐源終  
未極蘇亭一作漢帝遺跡上難遷眇眇雲根侵遠樹蒼  
蒼水氣合遙天波影雜霞無定色湍文觸岸不成  
圓赤馬青龍一作驪交出浦飛雲蓋海遠凌煙蓮舟  
渡沙轉不礙桂檝距浪弱難前風急金烏翅自轉  
汀長錦纜影微懸榜人欲歌先扣柁津吏猶醉強  
持船河隄極望今如此行杯落葉詎虛傳

雙鷺離

雙鷺雙飛雙情相思容色已改故心不衰雙入幕

雙出帷秋風去春風歸幕上危雙鷺離銜羽一別  
涕泗垂夜夜孤飛誰相知左回右顧還相慕翩翩  
桂水不忍渡懸目挂心思越路縈鬱摧折意不泄

願作鏡鸞相對絕

一作孤鸞  
鏡中絕

賦得臨水

開筵臨桂水携手望桃源花落圓文出風急細流  
翻光浮動岸影浪息累沙痕滄波自可悅濯纓何  
用論

同陸廷尉驚早蟬

言糸  
日暮野風生林蟬候節鳴望枝疑數處尋空定一  
聲地幽吟不斷葉動噪群驚獨有河陽令偏嫌秋  
翅輕

夜出妓

簾間月色度燭定妓成行迴身釧玉動頓履珮珠  
鳴低衫拂髮影舉扇起歌聲匣中曲猶奏掌上體  
應輕

詠冰應教

日華照冰彩灼爍自相明陰潭欲半解陽岸已全

輕未釋苔文隱將銷草氣生稍得觀魚上非獨見  
孤驚儻逢魏后術當驗可爲城

施榮泰

下臺作  
施泰榮

王昭君

垂羅下椒閣舉袖拂胡塵唧唧撫心嘆蛾眉誤殺  
人

雜詩

趙女脩麗姿燕姬正容飾粧成桃毀紅黛起草慙  
色羅裙數十重猶輕一蟬翼不言殼袖輕專歎風



多力鏘珮玉池邊弄笑銀臺側折柳貽目成採蒲  
贈心識來時嬌未盡還去媚何極

高允生

樂府列  
梁人中

王子喬行

仙化非常道其義出自然王喬誕神氣白日忽升  
天晻曖御雲氣飄飄乘長烟寄想崆峒外翱翔宇  
宙間七月有佳期控鶴崇崖巔永與時人別一去  
不復旋

百里奚歌

羈旅入秦庭始得收顯曜釋褐出輜車卓爲千乘  
道豔色進華容繁弦發徵調居貴易素心翻然忘  
久要裝金五羊皮寫情陳所告豈徒望自傷念君  
無定操

王循

晨風行

霧開九曲瀆風起千金堤岸回分野逕林際成牛  
蹊鳧隨落潮去日傍綺霞低望日輕舟隱瑟瑟遠  
寒悽還眺小平急宴語方難齊

房篆

金樂歌

前溪流碧水後渚映青天  
登臺臨寶鏡開窓對綺  
錢玉顏光粉色羅袖拂金鈿  
春風散輕蝶明月映  
新蓮摘花競時侶催指及芳年

裴憲伯

朱鷺

秋來懼寒勁歲去畏冰堅  
群飛向葭下奮羽欲南  
遷暫戲龍池側時往鳳樓前  
所歎恩光歇不得久

聯翩

庾成師

遠期篇

憶別春花飛已見秋葉稀  
淚粉羞明鏡愁帶減寬  
衣得書言未反夢見道應歸  
坐使紅顏歇獨掩青  
樓扉

車敝

隴頭水

隴頭征人別隴水流聲咽  
只爲識君恩甘心從苦

言糸  
卷之三十一  
節雪凍弓弦斷風鼓旗竿折獨有孤雄劍龍泉字  
不滅

洛陽道

洛陽道八達洛陽城九重重關如隱起雙闕似芙蓉  
王孫重行樂公子好遊從別有傾人處佳麗夜  
相逢

驄馬

驄馬鏤金鞍柘彈落金丸意欲驂驪樂府作趨走先  
作野遊盤平明發下蔡日中過上蘭路遠行須疾

非是畏人看

車遥遥

玉臺作傅玄

車遥遥兮馬洋洋追思君兮不可忘君安逝兮西  
入秦願將微影隨君身君在陰兮影不見君仰日  
月妾所願

姚翻

同郭侍郎採桑

鴈還高柳北春歸洛水南日照茱萸領風搖翡翠  
簪一作簪桑間視欲暮閨裏遽饑蚕相思君助取相

詩已

梁卷之三十一

三十一

望妾那堪

阮研一作妍

權歌行

芙蓉始出水綠荇葉初鮮且停白雪和共奏激楚  
絃平生此遭遇一日當千年

梁第三十

梁第三十一

詩紀一百四

北海馮惟訥彙編

鄣郡謝 陸校訂

鮑子卿

詩品有梁步兵鮑  
行卿未知是否

詠畫扇

玉臺新本作高爽者  
非今從舊本下同

細絲本自輕弱絲何足眇直為發紅顏謬成握中  
扇乍奉長門泣時承柏梁宴思粧開已掩歌容隱  
而見但畫雙黃鵠莫作孤飛燕

詠玉階

玉臺新本作  
何子朗者非

玉階已夸麗復得臨紫微北戶接翠幄南路抵金  
扉重疊通日影參差藏月輝輕苔染珠履微瀲沸  
一作吹拂羅衣獨笑崑山曲空見青鳧飛

王樞

古意應蕭信武教

朝取饑蠶食夜縫千里衣復聞南陌上日暮採蓮  
歸青苔覆寒井紅藥間青薇人生樂自極良時徒  
見違何由及新燕雙雙還共飛

至烏林村見採桑者因有贈

遙見提筐下翩妍實端妙將去復迴身欲語先爲  
笑閨中初別離不許覓新知空結茱萸帶敢報木  
蘭枝

徐尚書座賦得阿隣

紅蓮披早露玉貌映朝霞飛燕啼粧罷顧挿步搖  
花溘匝金鈿滿參差繡領斜暮還垂瑤帳香燈照  
九華

湯僧濟

滌井得金釵

昔者倡家女摘花露井邊摘花還自插照井還自  
憐窺窺終不罷笑笑自成妍寶釵于一作此落從  
來非一年翠羽成泥去金色尚如鮮此人今何在  
此物今空傳

楊皦

詠舞

紅顏自燕趙妙妓邁陽阿就行齊逐唱赴節闇相  
和折腰送餘曲歛袖待新歌嚙容生翠羽曼睇出  
橫波雖稱趙飛燕比此詎成多

吳孜

春閨怨

玉關信使斷借問不相諳春光太無意窺窻來見  
參分與光音絕忽值日東南柳枝皆颺燕桑葉復  
催蠶物色頓如此孀居自不堪

任豫

夏潦省宅

風棹出天街星言指沈室頓楫俄毀垣惻然悼窮  
陌春為發大道夏為潦潮折貴者陋懷居鄙人安

朝夕生長數十載幸祐見衰白堂遺孤孩音庭餘  
筭亂迹入似聚族慰出爲里仁惜

劉臻

河邊枯樹

奇樹臨芳渚半死若龍門疾風摧勁葉沙圻毀盤  
根將軍猶未坐匠石不曾論無復凌雲勢空餘激  
浪痕可嗟摧折盡詎得上河源

鄧鏗

和陰梁州雜怨

藝文作  
閨怨

暫別猶添恨何忍別經時叢桂頻銷葉庭樹幾攀  
枝君言妾貌改妾畏君心移終須一相見併得兩  
相知

奉和夜聽妓聲

燭華似明月鬟影勝飛橋妓兒齊鄭樂爭妍學楚  
腰新歌自作曲舊瑟不須調衆中俱不笑座上莫  
相撩

月夜閨中

閨中日已暮樓上月初華樹陰綠砌上窻影向牀

詩已

卷之三十一

四

斜開帷傷隻鳳吹燈惜落花

藝文作開屏寫密樹卷帳照垂花

誰

能當此夕獨處類倡家

聞人舊

春日二首

愁人試出牖春色定無窮參差依網日澹蕩入簾  
風落花還繞樹輕飛去隱空徒令玉筋泣雙垂明  
鏡中

高臺動春色清池照日華綠葵向光轉翠柳逐風  
斜林有驚心鳥園多奪目花相與咸知節歎子獨

離家人行今不返何勞空折麻

顧煊

英華作愷

賦得露

飛空猶蘊狀集物始成華萎黃病秋菊厭浥長春  
芽非唯溥蔓草頗亦變蒹葭仍增江海浪聊點木  
蘭花

王脩已

九日

霜威始落翠寒氣初入堂隋珠爛似燭懸黎疑夜



光舞步因絃折歌聲隨袂揚夜深聞漏緩簷虛覺  
唱長

王孝禮

詠鏡

可憐不自識終爾因鏡中分眉一等翠對面兩邊  
紅轉身先見動含笑逆相同猶嫌鏡裏促看人未  
好通

謝瑱

和蕭國子詠柰花

俱榮上節初獨秀高秋晚吐綠變衰園舒紅搖落  
苑不逐奇幻生寧從吹律暄幸同瑤華折爲君聊  
贈遠

范筠

詠慎火

南越志曰廣州有樹可以禦火山山北  
謂之慎火或謂之戒火多種屋上

茲卉信叢叢微榮未足奇何期糝香草遂得遶花  
池忘憂雖無用止燄或有施早得建章立幸藝柏  
梁垂

詠著

數奇不可偶性直誰能紆禎蔡伏靈異祥雲降溫  
腴

甄固

奉和世子春情

昨晚褰簾望初逢雙燕歸今朝見桃李不啻數花  
飛含愁春欲度無復寄芳菲

王環

代西封侯美人

於今辭宴語方念泣離違無因從朔鴈一向黃河  
飛

江伯璠

和定襄侯楚越衫

裁縫在篋笥薰鬢帶餘香開著不忍看一見落千  
行

劉泓

詠繁華

可憐宜出衆的的最分明秀眉開雙眼風流著語

詩已

梁卷之三十一

七

言系  
卷之三十一  
聲

王湜

以下三人見  
梁詞人麗句

贈情人

雨驟行人斷雲聚獨悲深儻更逢歸鴈一一傳情  
心

李孝勝

詠安仁得果

潘岳河邊返情知擲果多閉薨聽不見無奈識車  
何

談士雲

詠安仁得果

月上河陽縣來看洛陽花擲果人相闕非是故停  
車

劉愔

英華  
作蟾

驚早露

九畹凝芳葉百草瑩新珠盈荷雖不潤拂竹竟難  
枯

賀文標

詩已

梁卷之三十一

詠春風

排簾動輕幔一作旖旎一作沈水拂垂楊本持飄落蕊翻送舞衣香

張騫

詠躍魚應詔

戢鱗隱繁藻頰首承綠漪何用游溟澥且躍天淵池

蕭若靜

石橋

連延過絕澗迢遞跨長津已數逢仙客兼曾度獵人

蕭欣

見梁詞人麗句

還宅作

時平有道泰世設交情離寄言謝公叔千載留清規

桓法闔

初入山作

見華陽隱居墨帖

元帝在藩送碑入山今猶在朱陽館東又有南平王蕭偉所造清遠之館即弘崇弟子桓

清遠所居其桓師名法闔。○  
○之師也桓師初入山作詩曰

寒谷夜將晨置賞復尋真方壇垂密葉澈水渡朱  
鱗杏林雖伏獸芝田詎俟人丹成方轉石鑪變欲  
銷銀當知勝地遠於此絕囂塵

釋寶誌

不知何許人有人於宋太始中見之齊  
宋之交稍顯靈跡被髮徒跣語默不倫  
預言未兆言多玄驗梁武帝  
尤深敬事天監十三年卒

讖詩

隋書五行志曰梁天監三年六月八日武帝  
講於重雲殿沙門誌公忽然起舞歌樂須臾  
悲泣賦五言詩云云梁自天監至于大同三  
十餘年江表無事至太清二年臺城陷帝享

國四十八年所言五十裏也太清元年八月  
十三而侯景自懸瓠來降在丹陽之北子地  
帝惑朱异之言以納景景之作亂  
始自戊辰之歲至午年帝憂崩

樂哉三十餘悲哉五十裏但看八十三子地妖災  
起佞臣作欺妄賊臣滅君子若不信吾言龍時侯  
賊起且至馬中間銜悲不見喜

又

南史梁武帝紀曰天監中沙門釋寶誌為詩  
云云帝使周捨封紀之及中大同元年同泰  
寺災帝啓封捨手迹為之流涕帝生於甲辰  
三十八剋建鄴之年也遇災歲實丙寅八十  
三矣四月十四日而火起之始自  
浮屠第三層三者帝之昆季次也

昔年三十八今年八十三四中復有四城北火酣  
酣

又二首

南史曰天監十年四月八日誌公於大會中  
作詩云云狗子景小字山家小兒猴狀景遂  
覆陷都邑毒害皇家初自懸瓠來降懸瓠即  
昔之汝南也巴陵有地名三湘景奔敗處其  
言皆  
驗

掘尾狗子自發狂當死未死齧人傷須臾之間自

滅亡起自汝陰死三湘隋書五行志亦載此歌云  
兀尾狗子始著狂欲死不

死劫齒人傷須臾之間自滅亡患在  
汝陰死三湘橫尸一旦無人藏

山家小兒果攘臂太極殿前作虎視

釋智藏姓顧氏吳郡吳人太初六年敕住興皇  
寺梁武授戒時時諮稟皇太子尤加敬

接

奉和武帝三教詩廣弘明集云梁  
開善寺藏法師

心源本無二學理共歸真四執迷叢藥六味增苦  
辛資緣良雜品習性不同循至覺隨物化一道開  
異津大士流權濟訓義乃星陳周孔尚忠孝立行  
肇君親老氏貴裁欲存生由外身出言千里善芬  
為窮世珍理空非即有三明似未臻近識封岐路

寺已

梁卷之三十一

言系  
分鑣疑異塵安知悟云漸究極本同倫我皇體斯  
會妙鑒出機神眷言總歸轡迴照引生民顧惟慙  
宿植邂逅逢嘉辰願陪入明解歲暮有攸因

釋惠令

和受戒詩

庾肩吾有和太子  
重雲殿受戒詩

沈寥秋氣爽搖落寒林踈風散飛廉雀浪動昆明  
魚是日何爲盛證戒奉皇儲願陪升自在神通任  
卷舒

惠慕道士

見梁詞  
人麗句

犯虜將逃作

文苑英華作顏之推題  
云從周入齊夜渡砥柱

客子倦艱辛夜出小平津馬色迷關吏雞鳴起戍  
人露鮮花斂影月照寶刀新問我將何去北海就  
孫賓

僧正惠侶

梁詞人  
麗句

詠獨杵擣衣

非是無人助意欲自鳴砧照月斂孤影乘風送迥  
音言擣雙絲練似奏一絃琴令君聞獨杵知妾有  
專心

聞侯方兒來寇

羊皮贖去士馬革歛還尸天下方無事孝廉非哭時

王金珠

子夜四時歌

古今樂錄曰吳聲十曲一曰子夜二曰上柱三曰鳳將雛四曰上聲五曰歡聞六曰歡聞變七曰前溪八曰阿子九曰丁督護十曰團扇郎並梁所用曲鳳將雛以上三曲古有歌今不傳上聲以下七曲內人包明月製舞前溪一曲餘並王金珠所製

春歌三首

諸曲並見樂府玉臺新詠所載各氏與此不同者註各題

下

朱日光素水黃華映白雪折梅待佳人共迎陽春

月

玉臺作梁武帝下同

階上香入懷庭中花照眼春心鬱如此情來不可限

吹漏不可停斷絃當更續俱作雙思引共奏同心曲

夏歌二首

玉盤貯朱李金杯盛白酒本欲持自親復恐不甘

詩已

梁卷之三十一

十一



口 玉臺作  
梁武帝

垂簾倦煩熱卷幌乘清陰風吹合歡帳直動相思  
琴

秋歌二首

疊素蘭房中勞情桂杵側朱顏潤紅粉香汗光玉  
色

紫莖垂玉露綠葉落金櫻著錦如言重衣羅始覺  
輕

冬歌 玉臺作梁武帝秋歌  
首句云繡帶合歡結

寒閨周繡帳錦衣連理文懷情入夜月含笑出朝  
雲

子夜變歌

七綵紫金柱九華白玉梁但歌繞不去含吐有餘  
香

上聲歌 玉臺作  
梁武帝

花色過桃杏名稱重金瓊名歌非下里含笑作上  
聲

歡聞歌 玉臺作  
梁武帝

詩已

卷之三十一

七

豔豔金樓女心如玉池蓮持底報郎恩俱期遊梵天

歡聞變歌

玉臺作武帝歡聞歌

南有相思木合影復同心遊女不可求誰能識得

音

玉臺作誰能息空陰

阿子歌

可憐雙飛鳥飛集野田頭饑食野田草渴飲清河流

丁督護歌

玉臺作宋孝武帝

黃河流無極洛陽數千里輶軻戎旅間何由見歡子

團扇郎

手中白團扇淨如秋團月清風任動生嬌聲任意

發

樂府又有團扇復團扇持許自遮面憔悴無復理羞與郎相見玉臺云桃葉作今列於晉

包明月

前溪歌

當曙與未曙百鳥啼窻前獨眠抱被歎憶我懷中儂單情何時雙

詩記

梁卷之三十一

十五

衛敬瑜妻王氏

霸城王整之姊適敬瑜年十六而夫亡父母舅姑咸欲嫁之不許乃截耳置盤中為誓乃止雍州刺史蕭藻嘉其美節表其門

連理詩

南史曰貞女亾塚種樹百株墓前柏樹忽成連理一年許還復分散女乃為詩曰

墓前一株柏連根復竝枝妾心能感木頽城何足

奇

孤燕詩

南史曰貞女所居戶有燕巢常雙飛來去後忽孤飛貞女感其偏棲乃以縷繫脚為誌後歲此燕更來猶帶前縷女復為詩曰

昔年無偶去今春猶獨歸故人恩義重不忍復雙飛

王淑英妻劉氏

淑英瑯琊人妻劉氏繪之女孝綽之妹孝綽三妹並有才學一適王淑英一適張嶷一適徐悱

昭君怨

一作昭君辭

一生竟何定萬事最難保丹青失舊儀玉匣成秋草想妾辭關淚至今猶未燥漢使汝南還殷勤為

人道

暮寒

梅花自爛熳百舌早迎春逾寒衣逾薄未肯惜腰身

贈夫

粧鉛點黛拂輕紅鳴環動珮出房櫳看梅復看柳  
淚滿春衫中

徐悱妻劉氏

孝綽之妹稱劉三娘姊妹二人並有才學悱妻文尤清拔悱為晉安

郡卒喪還建鄴劉為祭文辭甚悽愴○玉臺作劉今嫺

和婕妤怨

樂府作王淑英今從玉臺藝文作今嫺詩

日落應門閉愁思百端生况復昭陽近風傳歌吹

聲寵移終不恨讒枉太無情祗言爭分理非如舞腰輕

答唐娘七夕所穿鍼

倡人効漢女靚粧臨月華連鍼學竝蒂縈縷作開  
花嬌閨絕綺羅攬贈自傷嗟雖言未相識聞道出  
良家曾停霍君騎經過柳惠車無由一共語暫看  
日升霞

答外二首

花庭麗景斜蘭牖輕風度落日更新粧開簾對春

芳一作樹鳴鸚葉中舞戲蝶花間驚調琴本要歡心  
愁不成趣良會誠非遠佳期今不遇欲知幽怨多  
春閨深且暮

東家挺奇麗南國擅容輝夜月方神女朝霞喻洛  
妃還看鏡中色比艷似知非摘辭徒妙好連類頓  
乖違智夫雖已麗傾城未敢希

聽百舌

庭樹旦新晴臨鏡出雕楹風吹桃李氣過傳一作傳過  
春鳥聲淨寫山陽笛全作洛濱笙注意歡留聽誤

今粧不成

題甘蕉葉示人

夕泣已非踈夢啼一作題太真數唯當夜枕知過此  
無人覺

摘同心梔子贈謝娘因附此詩

兩葉雖為贈交情永未因同心何處恨梔子最關  
人

代陳慶之美人為詠

臨粧欲含涕羞畏家人知還代粉中絮擁淚不聽

垂

夢見故人

覺罷方知恨人心定不同誰能對角枕長夜一邊空

有期不至

黃昏信使斷銜怨心悽悽迴燈向下榻轉面聞中啼

光宅寺

長廊欣目送廣殿悅逢迎何當曲房裏幽隱無人

聲

范靜妻沈氏

唐藝文志有范靖妻沈滿願集三卷

昭君歎二首

早信丹青巧重貨

一作賂

洛陽師

毛延壽長安人今作洛陽

千金

買蟬鬢百萬寫蛾眉

今朝猶漢地明日入胡關情寄南雲反思逐北風還

挾琴歌

樂府作當壚曲

逶迤起塵唱宛轉遶梁聲調弦可以進蛾眉畫未

成

映水曲

輕鬢學浮雲雙蛾擬初月水澄正落釵萍開理垂  
髮

登樓曲

憑高川陸近望遠阡陌多相思隔重嶺相憶限長

河

越城曲

樂府無名與  
登樓曲相次

別怨悽歌響離啼濕舞衣願假烏棲曲翻從南向

飛

晨風行

理檝令舟人停艫息旅薄河津念君劬勞冒風塵  
臨路揮袂淚沾巾飈流勁潤逝若飛山高帆急絕  
音徽留子句句獨言歸中心筑筑將依誰風彌葉  
落永離索神往形返情錯漠循帶易緩愁難却心  
之憂矣頗銷鑠

戲蕭娘

玉臺作  
戲蕭娘

明珠翠羽帳金薄綠綃帷因風時暫舉想像見芳

詩已

梁卷之三

二

姿清晨挿步搖向晚解羅衣託意風流子佳情詎可私

詠燈

綺筵日已暮羅帷月未歸  
開花散四照含光出九微  
風軒動丹焰冰宇律祖作水檻  
澹青輝不丟輕蛾繞  
唯恐曉蠅飛

詠五彩竹火籠

可憐潤霜質纖剖復毫分  
織作迴風苴律祖作迎風縷  
製律祖作裁為縈綺文含芳出珠被  
耀絲接緗裙徒嗟今

麗飾豈念昔凌雲

剖出楚山筠織成湘水紋寒銷九微火香傳百和薰氤氳擁翠被出入隨緗裙徒悲今麗質豈念昔凌雲右見詩話補遺與此小異故併錄之

詠步搖花

珠華縈翡翠寶葉間金瓊剪荷不似製為律祖作拈花

如自生低枝拂繡領微步動瑤瑛但令雲髻挿蛾

眉本易成律祖作諒非桃李節彌令蜂蝶驚

吳興妓童

贈謝府君玉臺列置高爽詩中題云吳興妖神贈謝府君覽今從彤管集

之正



詩紀  
梁卷之三十一  
三十一  
玉釵空中墮金鈿行已歇  
獨泣謝春風長夜孤明  
月

梁第三十一

梁第三十二

詩紀一百五

北海馮惟訥彙編

鄣郡謝 陞校訂

郊廟歌辭

梁雅樂歌十一首

沈約

皇雅 三曲

皇帝出入宋孝建起居注奏永至至是改爲皇雅取詩皇矣上帝臨下有赫也二郊太廟用同

帝德實廣運車書靡不賓  
執瑁朝羣后垂旒御百

詩已

梁卷之三十一

一

言終

神八荒重譯至萬國婉來親

華盖拂紫微勾陳繞太一容裔被緹組參差羅罕

畢星回昭以爛天行徐且謚

清蹕朝萬寓端冕臨正陽青紉黃金纒袞衣文繡

裳既散華蟲采復流日月光

滌雅 一曲

牲出入宋元徽儀注奏引牲至是改為滌雅取禮記帝牛必在滌三月也二郊明堂太廟用同

將脩盛禮其儀孔熾有膋斯牲國門是置不黎不

瘠靡愆靡忌呈肌獻體永言昭事俯休皇德仰綏

靈志百福具膺嘉祥允洎駿奔伊在慶覃遐嗣

牲雅 一曲

薦元血宋元徽三年儀注奏嘉薦至是改為牲雅取春秋左氏傳牲牲肥膋也二郊明堂太廟同用

反本興敬復古昭誠禮容宿設祀事孔明華俎待

獻崇碑麗牲克哉繭握肅矣簪纓其膾既啓我豆

既盈庖丁游刃葛盧驗聲多祉攸集景福來并

誠雅 三曲

寺已

祭儀卷之三十一

二

降神及迎送宋元徽儀注奏昭夏至是改為誠雅取尚書至誠感神也

懷忽慌瞻浩蕩盡誠潔致虔想出杳冥降無象皇情肅具僚仰人禮盛神途敞俊明靈申敬享感蒼

極洞玄象

南郊降神用

地德溥崑丘峻揚羽翟鼓應棟出尊祗展誠信招

海瀆羅嶽鎮惟福祉咸昭晉

北郊迎神用

我有明德馨非稷黍牲玉孔備嘉薦惟旅金懸宿

設和樂具舉禮達幽明敬行尊俎鐘鼓云送遐福

是與

南北郊明堂太廟送神同用

獻雅 一曲

皇帝飲福酒宋元徽儀注奏嘉祚梁初改為永祚至是改為獻雅取禮記祭統尸飲五洗玉爵獻卿今之福酒亦古獻之義也北郊明堂太廟同用

神宮肅肅天儀穆穆禮獻既同膺茲釐福我有馨明無愧史祝

禋雅 二曲

就燎位宋元徽儀注奏昭遠就埋位齊永明儀注奏隸幽至是燎埋俱奏禋雅取周禮太宗伯以禋祀祀昊天上帝也

紫宮昭煥太乙微玄降臨下土尊高上天載陳珪

詩紀

梁卷之三十一

三

幣式備牲牲雲竊清引枸虞高懸俯昭象物仰致

高煙肅彼靈祉咸達皇虔就燎用

盛樂斯舉協徵調宮靈饗慶洽祉積化融八變有

序三獻已終坎牲瘞玉酌德報功振垂成呂投壤

生風道無虛致事由感通於皇盛烈比祚華嵩就埋

用

梁南郊登歌詩二首

噉既明禮告成惟聖祖主上靈爵已獻壘又盈息  
羽籥展歌聲儗如在結皇情

禮容盛尊俎列玄酒陳陶匏設獻清酒致虔潔王  
既升樂已闋降蒼昊垂芳烈

梁北郊登歌二首

方壇既埴地祗已出盛典弗譽羣望咸秩乃升乃  
獻敬成禮卒靈降無兆神饗載謚允矣嘉祚其升  
如日

至哉坤元實惟厚載躬茲奠饗誠交顯晦或升或  
降搖珠動珮德表成物慶流皇代純嘏不謬祺福  
是賚

梁明堂登歌五首

青帝

帝居在震龍德司春開元布澤含和尚仁羣居既  
散歲云陽止飭農分地民粒惟始雕梁繡拱丹楹  
玉墀靈威以降百福來綏

赤帝

炎光在離火爲威德執禮昭訓持衡受則靡草旣  
凋溫風以至嘉薦惟旅時羞孔備齊緹在堂笙鏞  
在下匪惟七百無絕終始

黃帝

鬱彼中壇含靈闡化迴環氣象輪無輟駕布德焉  
在四序將收音宮數五飯稷駟宅屏居中旁臨  
外宇升爲帝尊降爲神主

白帝

神在秋方帝居西皓允茲金德裁成萬寶鴻來雀  
化參見火斜幕無玄鳥菊有黃華載列笙磬式陳  
彝俎靈罔常懷惟德是與

黑帝

德盛乎水玄冥紀節陰降陽騰氣凝象闕隋書作閉司  
智蒞坎駕鐵衣玄祈寒拆地晷度迴天悠悠四海  
駿奔奉職祚我無疆永隆民極

梁宗廟登歌七首

功高禮洽德尊樂備三獻具舉百司在位誠敬罔  
讐幽明同致茫茫億兆無思不遂蓋之如天容之  
如地

殷兆玉筐周始邠王於赫文祖基我大梁肇土七  
十奄有四方帝軒百祀人思未忘永言聖烈祚我

無疆

有夏多罪殷人塗炭四海倒懸十室思亂自天命  
我殲凶殄難旣躍乃飛言登天漢爰享爰格福祿  
攸贊

犧象旣飾壘俎斯具我鬱載馨黃流乃注峩峩卿  
士駿奔是務佩上鳴堦纓還拂樹悠悠億兆天臨  
日煦

猗與至德光被黔首鑄鎔蒼昊甄陶區有恪一作肅  
恭三獻對揚萬壽比屋可封含生無咎匪徒七百

天長地久

有命自天於皇后帝悠悠四海莫不來祭繁祉具膺八神聳衛福至有兆慶來無際播此餘休于彼荒裔

祀典昭潔我禮莫違八簋克室六龍解駢神宮肅肅靈寢微微嘉薦既饗景福攸歸至德光被洪祚載輝

梁小廟樂歌二首

樂府無作者名氏

隋書樂志曰梁又有小廟太祖太夫人廟也非嫡故別立廟皇帝每祭太廟訖諸小廟亦

以一太牢如太廟禮

舞歌

闕宮肅肅清廟濟濟於穆夫人固天攸啓祚我梁德膺斯盛禮文槐達嚮重檐丹陛飾我俎彝潔我粢盛躬事奠饗推尊盡敬悠悠萬國具承茲慶大孝追遠兆庶攸詠

登歌

光流者遠禮貴彌申嘉饗云備盛典必陳追養自本立愛惟親皇情乃慕帝服來尊駕齊六轡旂耀

言系  
三辰感茲霜露事彼冬春以斯孝德永被烝民  
燕射歌辭

梁三朝雅樂歌六首 沈約

隋書樂志曰梁初郊禋宗廟及三朝之樂並用宋齊元徽永明儀注唯改嘉祚為永祚又去永至之樂及武帝定國並以雅為稱取詩序云言天下之事形四方之風謂之雅雅者正也止於十二則天數也乃去階步之樂增撤食之雅焉其詞並沈約所製○按雅樂歌有郊廟燕射通用者不獨用於三朝而已詳見後註

俊雅 三曲

隋書樂志曰衆官出入宋元徽三年儀注奏肅咸樂齊及梁初亦同至是改為俊雅取禮

記司徒論選士之序者而升之學曰俊士也二郊太廟明堂三朝同用焉

設官分職髦俊攸俟髦俊伊何貴德尚齒唐又咸  
事周寧多士區區衛國猶賴君子漢之得人帝猷  
乃理

開我八襲闢我九重珩珮流響纓紱有容袞衣前  
邁列辟雲從義兼東序事美西雍分階等肅異列  
齊恭

重列北上分庭異陛白司揚職九賓相禮齊宋舅  
甥魯衛兄弟思皇藹藹羣龍濟濟我有佳賓實惟



愷悌

胤雅 一曲

皇太子出入奏胤雅取詩君子  
萬年永錫祚胤也三朝用之

自西殷代哲王迭有降及周成惟器是守上天乃  
眷大梁既受灼灼重明仰承元首體乾作貳命服  
斯九置保置師居前居後前星比耀克隆萬壽

寅雅 一曲

王公出入奏寅雅取尚書周官三  
公弘化寅亮天地也三朝用之

禮莫違樂具舉延藩辟朝帝所執桓蒲列齊莒垂

袞毳紛容與升有儀降有序齊簪紱忘笑語始矜  
嚴終酣醕

介雅 三曲

上壽酒奏介雅取詩君子萬  
年介爾景福也三朝用之

百福四象初萬壽三元始拜獻惟袞職同心協卿  
士北極永無窮南山何足擬

壽隨百禮洽慶與三朝升惟皇集繁祉景福互相  
仍申錫永無遺穰簡必來應

百味既含馨六飲莫能尚玉壘信湛湛金卮頗搖

言系  
漾敬舉發天和祥祉流嘉貺

需雅 八曲

食舉奏需雅取易曰雲上於天需君子以飲食宴樂也三朝用之

實體平心待和味庶羞百品多爲貴或鼎或鼐宣  
九沸楚桂胡鹽芼芳卉加邊列俎彫且蔚  
五味九變兼六和令芳甘旨庶且多三危之露九  
期一作貞禾圓案方丈粲星羅皇舉斯樂同山河  
九州上腴非一族玄芝碧樹壽華木終期采之不  
盈掬用拂腥膻和九穀旣甘且飫致遐福

人欲所大味爲先興和盡敬咸在旃碧鱗朱尾獻  
嘉鮮紅毛綠翼隆輕翽臣拜稽首萬斯年  
擊鐘以俟惟大國况乃御天流至德侑食斯舉揚  
盛則其禮不訾儀不忒風猷所被深且塞  
膳夫奉職獻芳滋不麇不夭咸以時調甘適苦別  
澠淄其德不爽受福釐於焉逸豫永無期  
備味斯饗惟至聖咸降人神禮爲盛或風或雅流  
歌詠負鼎言歸啓殷命悠悠四海同茲慶  
道我六穗羅八珍洪鼎自爨匪勞薪荆包海物必

來陳滑甘滫醢味和神以斯至德被無垠

雍雅 三曲

徹饌奏雍雅取禮記大饗客出以雍徹也三朝用之

明明在上其儀有序終事靡訐收劔撒俎乃升乃降和樂備舉天德莫違人謀是與敬行禮達茲焉

讌語

我餽惟阜我肴孔庶嘉味既克食旨斯飫屬厭無爽冲和在御擊壤齊歡懷生等豫烝庶乃粒實由仁恕

百司警列皇在在陛既飫且醑卒食成禮其容穆穆其儀濟濟凡百庶寮莫不愷悌奄有萬國抑由天啓

梁三朝雅樂歌六首

蕭子雲

隋書樂志曰普通中薦疏之後改諸雅歌敕蕭子雲製辭既無牲牢遂省滌雅牲牲雅云南史曰梁初郊廟未革牲牲牲樂辭皆沈約撰至是承用子雲啓宜改之敕答曰此是王者守株宜急改也仍使子雲撰定敕曰郊廟歌辭應須典誥大語不得雜用子史文章淺言而沈約所撰亦多舛謬子雲作成敕並施用○按梁雅樂歌十三首樂府分郊廟燕射二處載之此六首三朝所用郊廟尚闕四首樂府失載

俊雅 三曲

惟王建國辯方正位於赫有梁向明而治知人則  
哲聰明文思思皇多士俊又咸事弗惟其官惟人  
乃備

訓迪庶工位以德序恭已而治垂旒當宁或以言  
揚或以事舉春朝秋覲圭幣惟旅翼翼艷郇峩峩  
齊楚

客入金奏賓至縣興威儀有則是降是升百辟卿  
士元首是承左右秩秩終敬且矜彝倫攸序王猷

以凝

胤雅

天下爲家大梁受命眷永一德惟烈無競儀刑哲  
王元良誕慶灼灼明兩作離承聖英華外發溫文  
成性立師立保左右惟政休有烈光前星比盛

寅雅

車同軌行同倫來萬國相九賓延羣后朝蓋臣禮  
時行樂日新攸夷則奏雅寅衮衣曜玉帛陳儀抑  
抑皇恂恂

言系  
介雅 三曲

明君創洪業大同登頌聲開元洽百禮來儀奏九成  
成申錫南山祚赫赫復明明  
三朝禮樂和百福隨春酒玉樽湛而獻聰明作元  
后安樂享延年無疆臣拜手  
四氣新元旦萬壽初今朝趨拜齊袞玉鍾石變簫  
韶日升等皇運洪基邈日遙

需雅 八曲

農用八政食爲元播時百穀民所天禘嘗郊社盡

潔虔讌饗饋食禮節宣九功惟序登頌絃  
感物而動物靡遂大羹不和有遺味非極口腹而  
行氣節之民心殺攸貴寧爲禮本饗與餼  
始諸飲食物之初設卦觀象受以需烝民乃粒有  
牲芻自衛反魯刪詩書弋不射宿殺已祛  
在昔哲王觀民志庶羞百品因時備爲善不同同  
歸治蔬膳菲食化始至率物以躬行尊位  
雅有洞酌風采蘋蘩藻之菜非八珍澗溪沼沚貴  
先民明信之德感人神譬諸禴祭在西隣

行葦之微猶勿踐寧惟血氣無身剪聖人之心微  
而顯千里之應出言善况遂豚魚革前典  
春酸夏苦冬有宜筐筥錡釜備糗馳逡巡揖讓詔  
司儀卑高制節明等差君臣之序正在斯  
日月光華風四塞規饗有序儀不忒匪天私梁乃  
佑德光被四表自南北長世綴旒爲下國

雍雅 三曲

穆穆天子時惟聖敬濟濟羣公恭爲德柄爲撤有  
典膳夫是命禮行禘嘗義光朝聘神饗其德民洽

其慶

尚有和羹旣戒且平亦有其餽亦惟克明其餽惟  
旅其醕惟成百禮斯洽三宥已行明哉元首適駿  
其聲

戒食有章卒食惟序庭鳴金奏凱收邊筥客出以  
雍撤以振羽離磬乃作和鐘備舉濟濟威儀嚶嚶  
篋簾

相和歌辭

五音曲五首

沈約

隋書樂志曰梁有相和五引三朝第一奏之  
陳氏因焉隋文帝開皇中改五引為五音唯  
迎氣於五郊降神奏之月令所謂孟春其音  
角也唐書樂志曰五郊迎氣各以月律而奏  
其音蓋因  
隋舊制云

角引

萌生觸發歲在春咸池始奏德尚仁愆滯以息和  
且均

徵引

執衡司事宅離方滔滔夏日火德昌八音備舉樂  
無疆

宮引

八音資始君五聲興比和樂感百精優游律呂被  
咸英

商引

司秋紀兌奏西音激揚鍾石和瑟琴風流福被樂  
愔愔

羽引

玄英紀運冬冰折一作物為音本和且悅窮高測  
深長無絕

相和六引 五曲

蕭子雲

隋書樂志曰普通中敕蕭子雲改諸歌辭為相和引則依五音宮商角徵羽為第次非隨月次也

宮引

宅中為君聲之始氣和而應律生子四宮既作陰陽理

商引

君臣數九發涼風三弦夷則白藏通克諧候管和六同

角引

蟄蟲始振音在斯五聲六律旋相為韶繼夏盡備咸池

徵引

朱明在離日長至候氣而動徵為事六樂成文從之備

羽引

其音為物登玄英制留循短位濁清惟皇創則和且平



梁第三十二

梁第三十三

詩紀一百六

北海馮惟訥彙編

鄣郡謝 陛校訂

鼓吹曲辭

梁鼓吹曲十二首

沈約

隋書樂志曰鼓吹宋齊並用漢曲又克庭用十六曲梁高祖乃去四曲留其十二合日時也更制新歌以述功德

木紀謝

隋書樂志曰漢第一曲朱鷺改為木紀謝言齊謝梁升也

詩紀  
木紀謝火運昌炳南陸耀炎光民去癸鼎歸梁鮫  
魚出慶雲翔籟五帝軼三王德無外化溥將仁蕩  
蕩義湯湯浸金石達昊蒼橫四海被八荒舞干戚  
垂衣裳對天眷坐巖廊胤有錫祚無疆風教遠禮  
容盛感人神宣舞詠降繁祉延嘉慶

### 賢首山

漢第二曲思悲翁改為賢首山言  
武帝破魏軍於司部肇王迹也

賢首山險而峻乘峴憑臨胡陣騁奇謀奮卒徒斷  
白馬塞飛狐殪日逐殲骨都刃谷蠡馘林胡草旣

潤原亦塗輪無反幕有烏掃殘孽震戎逋揚凱奏  
展歡酺詠杖杜旋京吳

### 桐柏山

漢第三曲艾如張改為桐柏  
山言武帝牧司王業彌章也

桐柏山淮之首肇基帝迹遂光區有大震邊關殪  
獯醜農旣勸民惟阜穗克庭稼盈畝迨嘉辰蘼芳  
糗納寒場爲春酒昭景福介眉壽天斯長地斯久  
化無極功無朽

### 道亡

漢第四曲上之回改為道从  
言東昏喪道義師起樊鄧也

道亡數極歸永元悠悠兆庶盡含冤沈河莫極皆  
無安赴海誰授矯龍翰自樊漢仙波流水清且瀾  
救此倒懸拯塗炭誓師劉旅赫靈斷率茲八百驅  
十亂登我聖明去多難長夜杳冥忽云旦

忱威

漢第五曲擁離改為忱  
威言破加湖元勳建也

忱威授律命蒼兕言薄加湖灌秋水迴瀾滄汨汎  
增雉爭河投岸掬盈指犯刃嬰戈洞流矢資此威

一作盛烈齊文軌

漢東流

漢第六曲戰城南南改為漢  
東流言義師克魯山城也

漢東流江之汭逆徒蜂聚旌旗紛蔽仰震威靈乘  
高騁銳至仁解網窮鳥入懷因此龍躍言登泰階

鶴樓峻

漢第七曲巫山高改為鶴樓  
峻言平郢城兵威無敵也

鶴樓峻連翠微因巖設險池永歸脣亡齒懼薄言  
震耀靈威凶衆稽顙天不能違金湯無所用功烈

長魏魏

昏主恣淫慝

漢第八曲上陵改為昏主恣淫慝言東昏政亂武帝起義平九江姑孰大破朱雀伐罪弔也

昏主恣淫慝皆曰自昌盛上仁矜億兆誓師為請命既齊丹浦戰又符甲子辰龕難伐有罪伐罪弔斯民悠悠億萬姓於此觀陽春

石首局

漢第九曲將進酒改為石首局言義師平京城仍廢昏定大事也

石首局比墉堦新堞嚴東壘峻共表裏遙相鎮矢未飛鼓方振競街壁並輿櫬酒池擾象廊震同伐謀兼善陳闢應和掃煨燼剪庶惡靡餘胤

期運集

漢第十曲有所思改為期運集言武帝膺籙受禪德盛化遠也

期運集惟皇膺寶符龍躍清漢渚鳳起方城隅謳歌共適夏獄訟兩違朱二儀啓嘉祚千載猶日暮舞蹈流帝功金玉昭王度

於穆

詩已

卷之三十一

四

漢第十一曲芳樹改為於穆言大  
梁闡運君臣和樂休祚方遠也

於穆君臣君臣和以肅關王道定天保樂均靈囿  
宴同在鎬前庭懸鼓鐘左右列笙鏞纓佩俯仰有  
則脩禮容翔振鷺騁羣龍隆周何足擬遠與唐比  
蹤

### 惟大梁

漢第十二曲上邪改為惟大  
梁言梁德廣運仁化洽也

惟大梁開運受籙膺圖君八極冠帶被五都四海  
並和會排闕欵塞無異塗

### 橫吹曲辭

#### 梁鼓角橫吹曲

#### 古辭

橫吹曲其始亦謂之鼓吹馬上奏之乃軍中  
之樂也自漢已來北狄樂總歸鼓吹署其後  
分為二部有蕭笳者為鼓吹用之朝會道路  
有鼓角者為橫吹用之軍中馬上所奏者是  
也晉書樂志曰橫吹有鼓角又有胡角即胡  
樂也漢張騫入西域傳其法於西京唯得摩  
訶兜勒一曲李延年因胡曲更造新聲二十  
八解企喻本北歌唐書樂志曰北狄樂其可  
知者鮮卑吐谷渾部稽三國皆馬上樂也後  
魏樂府始有北歌即所謂真人代歌是也大  
都時命掖庭宮女晨夕職之周隋世與西涼  
樂雜奏今存者五十三章其名可解者六章  
慕容可汗吐谷渾部落稽鉅鹿公主白淨皇  
太子企喻也其不可解者多可汗之辭北虜

言系  
之俗呼主為可汗吐谷渾又慕容別種知此  
歌是燕魏之際鮮卑歌也其辭虜音竟不可  
曉梁胡吹又有大白淨皇太子小白淨皇太  
子企喻等曲隋鼓吹有白淨皇太子曲與北  
歌校之其音皆異又有半  
和企喻北敦蓋曲之變也

### 企喻歌 四曲

企喻本北歌古今樂錄曰企喻歌四曲或云  
後又有二句頭毛墮落魄飛揚百草頭最後  
男兒可憐蟲一曲是苻融詩本云深山  
解谷口把谷無人收與今傳者小異

男兒欲作健結伴不須多鷄子經天飛羣雀兩向  
波

放馬大澤中草好馬著臙牌子鐵襴襦鉞

左作鉞  
下同

### 鉞鶴尾條

前行看後行齊著鐵襴襦前頭看後頭齊著鐵鉞

鉞

男兒可憐蟲出門懷死憂尸喪狹谷中白骨無人  
收

### 瑯琊王歌辭 八曲

古今樂錄曰瑯琊王歌八曲或云陰涼下又  
有二句云盛冬十一月就女覓凍漿最後云  
誰能騎此馬唯有廣平公按晉書載  
記廣平公姚弼興之子泓之弟也

新買五尺刀懸著中梁柱一日三摩娑劇於十五

寺已

梁卷之三十三

六

言糸  
卷之三十三  
六  
女

瑯琊復瑯琊瑯琊大道王陽春二三月單衫繡襖

憐東山看西水水流盤石間公死姥更嫁孤兒甚可

瑯琊復瑯琊瑯琊大道王鹿鳴思長草愁人思故

下長安十二門光門最妍雅渭水從龍來浮游渭橋

瑯琊復瑯琊女郎大道王孟陽三四月移鋪逐陰

涼

客行依主人願得主人彊猛虎依深山願得松柏

長

憎馬高纏鬃遙知身是龍誰能騎此馬唯有廣平

公

鉅鹿公主歌辭 三曲

唐書樂志曰梁有鉅鹿公主歌似是姚萇時歌其詞華音與北歌不同

官家出遊雷大鼓細乘犢車開後戶

寺已

卷之三十三

七

車前女子年十五手彈琵琶玉節舞  
鉅鹿公主殷照女皇帝陛下萬幾主

紫騮馬歌辭 六曲

古今樂錄曰十五從  
軍征以下是古詩

燒火燒野田野鴨飛上天童男娶寡婦壯女笑殺  
人

高高山頭樹風吹葉落去一去數千里何當還故  
處

十五從軍征八十始得歸道逢鄉里人家中有阿

誰

遙看是君家松柏冢纍纍兔從狗竇入雉從梁上  
飛

中庭生旅穀井上生旅葵春穀持作飴採葵持作  
羹

羹飴一時熟不知飴阿誰出門東向看淚落沾我  
衣

紫騮馬歌

古今樂錄曰與前曲不同○郭  
茂倩以此爲梁曲見簡文詩註



言  
獨柯不成樹獨樹不成林念郎錦襖襠恒長不忘  
心

黃淡思歌

四曲

古今樂錄曰思音相思之思按李延年造橫吹曲二十八解有黃覃子不知與此同否

歸歸黃淡思逐郎還去來歸歸黃淡白逐郎何處  
索

心中不能言腹作車輪旋與郎相知時但恐傍人  
聞

江外何鬱拂龍洲廣州出象牙作帆檣綠絲作幃

緯

綠絲何歲蕤逐郎歸去來

地驅樂歌

四曲

古今樂錄曰側側力力以下八句是今歌有此曲最後云不可與力或云各有努力

青青黃黃雀石頰唐槌殺野牛押殺野羊  
驅羊入谷白羊在前老女不嫁蹋地喚天  
側側力力念君無極枕郎左臂隨郎轉側  
摩將郎鬚看郎顏色郎不念女不可與力

地驅樂歌

詩

卷之三十三

古今樂錄曰  
與前曲不同

月明光光星欲墮欲來不來早語我

雀勞利歌辭

雨雪霏霏雀勞利長觜飽滿短觜饑

慕容垂歌辭 三曲

晉書載記曰慕容本名缺尋以讖記乃去夬以垂為名慕容雋僭號封垂為吳王徙鎮信都太元八年自稱燕王

慕容攀墻視吳軍無邊岸我身分自當枉殺墻外漢

慕容愁憤憤燒香作佛會願作墻裏燕高飛出墻

外

慕容出墻望吳軍無邊岸咄我臣諸佐此事可惋

歎

隴頭流水歌 三曲

古今樂錄曰樂府有此歌曲解多於此辛氏三秦記曰隴渭西關其陂九迴上有清水四注流下俗歌云

隴頭流水流離西下念我一身飄然曠野

西上隴阪羊腸九回山高谷深不覺脚酸

言系  
手攀弱枝足踰弱泥

隴頭歌辭 三曲

隴頭流水流離山下念吾一身飄然曠野  
朝發欣城暮宿隴頭寒不能語舌卷入喉  
隴頭流水鳴聲幽咽遙望秦川心腸斷絕

隔谷歌 二曲

古今樂錄曰前云無  
辭樂工有辭如此

兄在城中弟在外弓無弦箭無括食糧乏盡若為  
活救我來救我來

兄為俘虜受困辱骨露力疲食不足弟為官吏馬  
食粟何惜錢刀來我贖

淳于王歌 二曲

蕭蕭河中育育熟須含黃獨坐空房中思我百媚  
郎  
百媚在城中千媚在中央但使心相念高城何所  
妨

東平劉生歌

東平劉生安東子樹木稀屋裏無人看阿誰

捉搦歌 四曲

粟穀難舂付石臼弊衣難護付巧婦男兒千凶飽  
人手老女不嫁只生口

誰家女子能行步反著袂禪後裙露天生男女共  
一處願得兩箇成翁媪

華陰山頭百丈井下有流水徹骨冷可憐女子能  
照影不見其餘見斜領

黃桑柘屐蒲子履中央有絲兩頭繫小時憐母大  
憐婿何不早嫁論家計

折楊柳歌辭 五首

上馬不捉鞭反折楊柳枝蹀座 樂府作下馬 吹長笛愁  
殺行客兒

腹中愁不樂願作郎馬鞭出入擗郎臂蹀座郎膝  
邊

放馬兩泉澤忘不著連羈擔鞍逐馬走何見得馬  
騎

遙看孟津河楊柳鬱婆娑我是虜家兒不解漢兒  
歌

言糸  
卷之三十三  
健兒須快馬快馬須健兒  
跣跋黃塵下然後別雄雌

折楊柳枝歌 四曲

上馬不捉鞭反拗楊柳枝  
下馬吹長笛愁殺行客兒  
門前一株棗歲歲不知老  
阿婆不嫁女那得孫兒抱  
敕敕何力力女子臨窻織  
不聞機杼聲唯聞女歎息

問女何所思問女何所憶  
阿婆許嫁女今年無消息

幽州馬客吟歌辭 五曲

快馬常苦瘦勦兒常苦貧  
黃禾起羸馬有錢始作人  
熒熒帳中燭燭滅不久停  
盛時不作樂春花不重生  
南山自言高只與北山齊  
女兒自言好故入郎君懷

郎著紫袴褶女著彩袂裙男女共燕遊黃花生後

園

黃花鬱金色綠蛇銜珠丹辭謝牀上女還我十指

環

慕容家自魯企由谷歌

郎在十重樓女在九重閣郎非黃鷄子那得雲中

雀

高陽樂人歌 二曲

古今樂錄曰魏高陽王樂人所作也又有白鼻騮蓋出於此

可憐白鼻騮相將入酒家無錢但共飲畫地作交

賒

何處蹀躞來兩頰色如火自有桃花容莫言人勸

我

木蘭詩二首

古今樂錄曰木蘭不知名浙江西道觀察使兼御史中丞韋元甫續附入○古文苑作唐人木

蘭詩

唧唧復唧唧一作促織木蘭當戶織不聞機杼聲

唯聞女歎息問女何所思問女何所憶女亦無所

詩經

卷之三十三

三十一

言系  
思女亦無所憶昨夜見軍帖可汗大點兵軍書十  
二卷卷卷有爺名阿爺無大兒木蘭無長兄願為  
市鞍馬從此替爺征東市買駿馬西市買鞍韉南  
市買轡頭北市買長鞭朝辭爺孃去暮宿黃河邊  
不聞爺孃喚女聲但聞黃河流水鳴濺濺旦辭黃  
河去暮至黑山頭不聞爺孃喚女聲但聞燕山胡  
騎聲一作啾啾萬里赴戎機關山度若飛朔氣傳  
金柝寒光照鐵衣將軍百戰死壯士十年歸歸來  
見天子天子坐明堂策勳十二轉賞賜一作百千

疆可汗問所欲木蘭不用尚書郎一作欲與木蘭賞不願尚書郎

願馳千里足西陽雜俎云願借明駝千里足送兒還故鄉爺孃聞

女來出郭相扶將阿姊聞妹來一作阿妹聞姊來當戶理

紅妝小弟聞姊來磨刀霍霍向豬羊開我東閣門

坐我西間牀脫我戰時袍著我舊時裳當窻理雲

鬢對鏡帖花黃出門看火伴火伴始一作皆驚惶同

行十二年不知木蘭是女郎雄兔脚撲朔一作握雌

兔眼迷一作彌離兩一作覆兔傍地走安能辨我是雄

雌

詩  
卷之三十三

同前

木蘭抱杼嗟借問復爲誰欲聞所慼慼感激彊其  
顏老父隸兵籍氣力日衰耗豈足萬里行有子復  
尚少胡沙沒馬足朔風裂人膚老父舊羸病何以  
彊自扶木蘭代父去秣馬備戎行易却紈綺裳洗  
却鉛粉妝馳馬赴軍幕慷慨攜干將朝屯雪山下  
暮宿青海傍夜襲月支虜更攜于闐羌將軍得勝  
歸士卒還故鄉父母見木蘭喜極成悲傷木蘭能  
承父母顏却卸巾韉理絲簧昔爲烈士雄今復嬌

子容親戚持酒賀父母始知生女與男同門前舊  
軍都十年共崎嶇本結兄弟交死戰誓不渝今也  
見木蘭言聲雖是顏貌殊驚愕不敢前歎重徒嘻  
吁世有臣子心能如木蘭節忠孝兩不渝千古之  
名焉可滅





臣念昭率性迺眷三才以宣八政愧無則哲臨淵  
自鏡或戒面從永隆福慶

臣道曲

孝義相化禮讓爲風當官無媚嗣民必公謙謙君  
子蹇蹇匪躬諒而不訐和而不同誠之誠之去驕  
思冲弘茲大雅是曰至忠

積惡篇

積惡在人猶醜處腹醜成形亡惡積身覆殷辛再  
離温舒五族責必及嗣財豈潤屋斯川既往逝命

不復鏡茲餘殃幸脩多福

積善篇

惟德是輔皇天無親抱獄歸舜捨財去邠豚魚懷  
信行葦留仁先世有作餘慶方因鳴玉承家錫珪  
于民連城非重積善爲珍

宴酒篇

記稱成禮詩詠飽德卜晝有典厭夜不忒彝酒作  
民樂飲虧則腐腹遺喪濡首亡國哲彼六馬去茲  
三惑占言孔昭以求温克

舞曲歌辭

梁大壯大觀舞歌二首 沈約

隋書樂志曰梁初猶用凱容宣烈之舞武帝定樂以武舞為大壯舞文舞為大觀舞又曰大壯舞奏夷則大觀舞奏姑洗取其月望也三郊明堂太廟三朝同用古今樂錄曰梁改宣烈為大壯即周武舞也改凱容為大觀即舜韶舞也陳以凱容樂舞用之郊廟而大壯大觀猶同梁舞所謂祠用宋曲宴準梁樂蓋取人神不雜也

大壯舞歌

隋書樂志曰大壯舞取易象云大壯大者壯也正大而天地之情可見也古今樂錄曰大壯大觀二舞以大為名老子云域中有四大論語云惟天為大今制大壯大觀之名亦因

斯而立義焉

高高在上實愛斯人眷求聖德大拯一作極彝倫率

土方燎如火在新懞懞黔首暮不及晨朱光啓耀

兆發穹旻我皇鬱起龍躍漢津言屆牧野電激雷

震闕鞏之甲彭濮之人或貌或武漂杵浮輪我邦

雖舊其命維新六伐乃止七德必陳君臨萬國遂

撫八寅

大觀舞歌

大觀者取易象曰大觀在上觀天之神道而四時不忒也

詩記 梁書卷之二十四

皇矣帝烈大哉興聖奄有四方受天明命居上不  
怠臨下惟敬舉無謬則動無失正物從其本人遂  
其性昭播九功肅齊八柄寬以惠下德以為政三  
趾晨儀重輪夕映棧壑忘阻梯山匪復如日有恒  
與天無竟載陳金石式流舞詠咸英韶夏於茲比  
盛

梁鞞舞歌

沈約 樂府失名考  
目錄作沈約

明之君六首

隋書樂志曰梁三朝樂第十七設鞞舞唐書  
樂志曰明君本漢世鞞舞曲梁武帝時收其

辭以歌  
君德

大梁七百始天監三元初聖功澄宇縣帝德總車  
書熙熙億兆臣其志皆懽愉  
刑措甫自今隆平亦肇茲神武超楚漢安用道邠  
岐百拜奄來宅執玉咸在斯象天則地體無為  
禮緝民用擾樂諧風自移舜琴中已絕堯衣今復  
垂象天則地體無為

治兵戰六獸為邦命九官靈蛇及瑞羽分素復銜  
丹望就踰軒頊鏗鏘掩咸護九尾擾成羣八象鳴

相顧象天則地化雲布

有爲臣所執司契君之道運行乃四時無言信蒼  
昊宸居體冲寂忘懷定天保

至德同自然裁成侔玄造珍祥委天貺靈物開地  
寶窈窕降青琴參差秀朱草

梁鞞舞歌三首

周捨

明之君

赫矣明之君我皇邁前古機靈通日月聖敬締區  
宇淮海無橫波文軌同一土樂哉太平世當歌復

當舞

明主曲

聖主應圖籙天下咸所歸端扈臨赤縣宸居法紫  
微遐方奉正朔外戶闢重扉我君延萬壽福祚長  
巍巍

明君曲

明君班五瑞就日朝百王克庭植鷺羽鈞天奏清  
商本支同中嶽良臣安四方盛明普日月兆民樂  
未央

詩記

卷之三十四

四

鐸舞曲

周捨

雲門且莫奏咸池且莫歌我后興至德樂頌發中  
和白雲紛已隆萬舞鬱駢羅功成聖有作黃唐何  
足多

雜歌謠辭

無名氏

歌辭

洛陽歌

南史曰大通初武帝遣颺勇將軍陳慶之送  
魏北海王元顥還北主魏轉戰而前連破魏  
軍顥入洛陽宮御前殿改元大赦于時上黨  
王元天穆來攻慶之又大破之慶之麾下悉

著白袍所向披靡先是洛  
陽人歌云云至是果驗

名軍大將莫自勞千兵萬馬被白袍

始興王歌

南史曰梁始興忠武王憺為都督荊州刺史  
時天監初軍旅之後公私匱乏憺厲精為政  
廣闢屯田減省力役供其窮困辭訟者皆立  
待符教決於俄頃曹無留事下無滯獄後徵  
還朝而民歌之荆土  
方言謂爹為父故云

始興王人之爹徒我反赴人急如水火何時復來  
哺乳我

北軍歌

詩已

梁卷之三十四

不畏蕭娘與呂姥但畏合肥有韋武

夏侯歌

南史曰梁臨川靜惠王宏為揚州刺史天監中武帝詔都督諸軍侵魏宏以帝之介弟所領皆器甲精新軍容甚盛北人以為百數十年所未之有軍次洛口前軍剋梁城諸將欲乘勝深入宏聞魏援近畏懦不敢進召諸將欲議旋師呂僧珍曰知難而退不亦善乎柳玘等不從宏不敢違羣議停軍不進魏人知其不武遺以巾幗北軍乃歌云云韋武敵也

我之有州賴彼一作夏侯前兄後弟布政優優

鄱陽歌

南史曰陸襄吳郡人為鄱陽內史先是郡人鮮于琮反攻郡襄遣兵破之生獲琮時隣郡按琮黨與因求貨賄皆不得其實或有善人盡室罹禍唯襄郡枉直無濫人歌之曰

鮮于抄後善惡分人無橫死賴陸君

同前

南史曰郡人有彭李二家先用忿爭遂相誣告襄引入內室不加責誚但和言解喻之二人感恩深自悔咎乃為設酒食令其盡歡酒罷同載而還因相親厚人又歌曰

陸君政無怨家鬪既罷讎共車

瞿塘行人歌

詩已

南史曰庾子輿新野人有孝性丁母憂哀至輒嘔血父卒於蜀子輿哀痛將絕奉喪還鄉秋水猶壯巴東有淫預石高出二十許丈及秋至則纔如見次有瞿塘大灘行旅忌之部伍至此石猶不見子輿撫心長叫其夜五更水忽退減安流南下及渡水復舊行人為之

淫預如幘本不通瞿塘水退為庾公

曰語

北方童謠

南史曰梁武帝時魏降人王足陳計求堰淮水以灌壽陽足引北方童謠云云帝發淮陽戶丁及戰士二十萬築之以康絢督其事南起浮山北抵巉石堰成長九里高二十丈夾

堤并樹杞柳軍人安堵其上魏軍竟潰而歸水之所及方數百里魏壽陽城戍稍徙頓八山公

荆山為上格浮山為下格潼沱為激溝併灌鉅野澤

梁武帝時謠

南史曰梁武帝天監元年十一月立長子統為皇太子時民間有謠按鹿子開者反語為來子哭也後太子果薨是時長子歡為徐州刺史以嫡孫次應嗣位而帝意在晉安王猶豫未決及立晉安王為皇太子而歡止封豫章郡王還任謠言心徘徊者未定也城中諸少年逐歡歸去來者復還徐方之象也統即昭明太子也



鹿子開城門城門鹿子開當開復未開使我心徘徊城中諸少年逐歡歸去來

雍州童謠

南史曰蕭範梁武帝之從子也都督雍州刺史撫循將士盡得歡心時論者謂範欲為賊又童謠云云然卒無驗

莫忽忽且寬公誰當作天子草覆車邊已

大同中童謠

南史曰侯景涓陽之敗遣人求錦朝廷給之青布其後皆用為袍色尚青景乘白馬青絲為轡欲以應謠

青絲白馬壽陽來

侯景時童謠

南史曰侯景既剋建鄴脩飾臺城及朱雀宣陽等門童謠曰

的脰烏拂朱雀還與吳

又

脫青袍著芒屨荆州天子挺應著

江陵謠

南史曰侯景既誅傳首至江陵元帝命梟於市三日然後煮而漆之以付武庫先是江陵謠言云云景首既至元帝付李季長宅宅東節苦竹町也既加鼎鑊即用市南水焉

寺已

苦竹野市南有好井荆州軍殺侯景

梁童謠

南史曰臨賀王正德與侯景同逆其後梁室傾覆既由正德百姓至聞臨賀郡名亦不欲道童謠云云其惡之如此

寧逢五虎入市不欲見臨賀父子

北童謠

南史曰齊遣柳達摩領兵侵梁陳霸先命侯安都敗之達摩謂眾曰頃在北童謠云云侯景服青已倒于此今吾徒衣黃豈謠言驗邪

石頭擣兩襠擣青復擣黃

童謠

南史曰梁兵既勝齊兵中以賞俘質酒者一人裁得一醉先是童謠曰

虜萬夫入五湖城南酒家使虜奴

梁末童謠

南史曰梁末有童謠及王僧辨滅說者以為僧辨本乘巴馬以繫侯景馬上郎王字也塵謂陳也江東謂殺羊角為阜茨隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵

起黃塵汚人衣阜策相料理

省中語

南史曰賀琛仕梁為散騎常侍領尚書左丞參禮儀事每進見武帝與語常移晷刻故省中語云云琛容止閒雅故時人呼之

上殿不下有賀雅

王彬歌

南史曰王彬好文章習篆隸與志齊各時人為之語曰

三真六草為天下寶

三河歌二首

南史曰何思澄與宗人遜及子朗俱擅文名時人語云云思澄聞之曰此言誤耳如不然固當歸遜思澄意謂宜在已也

東海三何子朗最多

人中爽爽有子朗

子朗字世明有才思

鮑佐謹

南史曰鮑正為湘東王五佐好交遊無日不適人人為之語曰

無處不逢烏噪無處不逢鮑佐

言  
梁第三十四

梁	第	三	十	四
---	---	---	---	---

梁第三十四

